

## KHUDDASIKKHÂ AND MÛLASIKKHÂ.

EDITED BY

DR. EDWARD MÛLLER.

THE Khuddasikkhâ and Mûlasikkhâ form a short compendium of the Vinaya, mostly in verse, a few passages only being given in prose. The MSS. of the same are all written in the Burmese character, and there is also a Burmese edition which comprises the Bhikkhupâṭimokkha, the Bhikkhunipâṭimokkha and the Abhidhammatthasamgraha, printed at Rangoon in 1882; we possess, however, a Sinhalese commentary belonging to the twelfth century, which proves that the books must have been known in Ceylon at that time.

About the age of the books it is very difficult to form a certain opinion. The language is rather more modern than that of the Mahāvamsa, and exigencies of the metre have introduced forms which are anything but classical; for instance, the optative *de* from *dâ*, the metathesis *harappaccâ* for *paccâharam*, III. 5, and the frequent elision of a beginning vowel after anusvâra, which only occurs in late texts (see Childers, s.v. *peyyâlam*, and J.R.A.S. vol. xi. p. 112). The language is, however, not so artificial and not mixed with Sanskritisms to such an extent as that of the Dâṭhāvamsa.

Alwis, in his introduction to the Sidat Sangarâwa, p. cl, assigns a rather early date to Khuddasikkhâ and Mûlasikkhâ, viz. A.D. 350, but without any sufficient reasons. It seems that the language of the Sinhalese commentary has misled him, a language only little more modern than that of the rock inscription of Mihintale (see my Ancient Inscriptions in Ceylon, No. 121), the date of which Alwis, following Turnour (Ceylon Almanac for 1834, p. 137), has fixed in A.D. 262. It was, however, already shown by Paul

Goldschmidt that this cannot be correct, and that the inscription belongs to Mahinda III. at the end of the tenth and beginning of the eleventh century.

The question about the age of Khuddasikkhâ and Mûlasikkhâ is, of course, quite independent from that about the commentary, and so we may still consider the statement from the Burmese histories of the Piṭaka adduced by Forchhammer in his Report, p. 5, that a Sinhalese priest, by name Dhamma Siri, wrote the Mûlasikkhâ, and a confrere Mahâsâmi the Khuddasikkhâ, about 920 years after Gautama's death. In fact, the name of the author of Khuddasikkhâ is given as Dhammasiri in the last stanza but one :

tena Dhammasirîkena Tambapaṇṇiyaketunâ  
therena racitâ dhammavinayaññûpasamsitâ.

Under these circumstances, I must leave it undecided for the present whether the date as given by Alwis and Forchhammer is correct, or whether we should in fixing it consider the language, which rather points to the sixth or seventh century. I will only mention besides that both works are referred to in the great inscription of Parâkrama-bâhu at the Galwihâra, Polonnaruwa (see my Ancient Inscriptions in Ceylon, No. 137), in lines 19 and 22, and that the great grammarian Moggallâna, living at the same time, is said to have written a *ṭikâ* on Khuddasikkhâ, which may have been the base of the Sinhalese commentary still in existence (see Note on the Pâli Grammarian Kaccâyana, by Lieut.-Col. G. E. Fryer, in his *Subodhâlanakâra*, p. 4).

At the end of the text will be found a comparative list of passages in Khuddasikkhâ and Mûlasikkhâ on one side and Oldenberg's *Vinaya* on the other. In spite of a careful investigation, I have not succeeded in identifying all the passages of the two texts given here, and I am driven to the conclusion that these passages are not contained in the text of the *Vinaya*, but are taken from the commentaries. In a few cases I have succeeded in identifying passages from *Samanta Pâsâdikâ* and *Kankhâ Vitarani* with the help of the quotations given in Minayeff's edition of the *Pâtimokkha*.

## KHUDDASIKKHĀ.

NAMO TASSA BHAGAVATO ARAHATO SAMMĀSAMBUDDHASSA.

*Mâtikā.*

- 1 Ādito upasampannā sikkhitabbaṃ samâtikam  
khuddasikkhaṃ pavakkhāmi vanditvā ratanattayaṃ
- 2 Pārâjikâ ca cattâro garukâ navacivaraṃ  
rajanâni ca patto ca thâlakâ ca pavâraṇâ
- 3 Kâlikâ ca paṭiggâho maṃsesu ca akappiyam  
nissaggiyâni pâcitti samaṇâ kappabhûmiyo
- 4 Upajjhâceravattâni vaccapassâvathânikam  
âpucchakaranam naggo nhânakappo avandiyo
- 5 Cammam upâhaṇâ ceva anolokiyam añjaṇi  
akappiyasayanâni samânâsaniko pi ca
- 6 Asaṃvâsiko ca kammaṃ micchâ jîvavivajjanâ  
vattam vikappanâ ceva nissayo kâyabandhanam
- 7 Paṭhavî ca parikkhâro bhesajjuggahadûsanam  
vassûpanâyikâ cevâvebhangiyam pakiṇṇakam
- 8 Desanâ chandadânâdi uposathappavâraṇâ  
saṃvaro suddhi santoso caturakkhâ vipassanâ ti.

*I. Pârâjikâ ca cattâro ti.*

- 1 Maggattaye anikkhitta sikkho santhatasanthate  
alokâse nimittamsam tilamattam pi santhatam
- 2 Asanthamupâdiṇṇam pavesanto cuto 'thavâ  
pavesanathituddhâra pavitthakkhanasâdako
- 3 Ādiyeyya hareyya vâ hareyya iriyâpatham  
kopeyya thâna cāveyya saṃketam vîtinâmaye

- 4 Adinnaṃ theyyacittena bhava pârâjiko 'thavâ  
theyyâ balakusacchanna parikappâvahâra
- 5 Bhaṇḍakâlagghadesehi paribhoge tha nicchayo  
manussaviggahaṃ cicca jîvitâ vâ viyojaye
- 6 Satthaṃ vâ assa maraṇacetano upanikkhipe  
gâheyya maranûpâyaṃ vadeyya maraṇe guraṇaṃ
- 7 Cuto payogâ sâhatthi nissaggâṇatti thâvarâ  
iddhivijjâmayâ kâlavatthâvudhiriyâpathâ
- 8 Kriyâviseso okâso cha âṇattiniyâmakâ  
jhâṇâdibheda no santam attanattupanâyikaṃ
- 9 Katvâ koṭṭhâsam ekekaṃ paccuppannabhavassitaṃ  
aññapadesarahitaṃ dîpento nâdhimâniko  
kâyena vâcâ viññatti pathe ñâte cuto bhava
- 10 Pârâjikete cattâro asaṃvâsâ yathâ pure  
abhabbâ bhikkhubhâvâya sîsacchinno va jivitaṃ
- 11 Pariyâyo ca âṇatti tatiye dutiye pana  
âṇatti yeva sesesu dvayam etaṃ na labbhati
- 12 Sevetukâmatâ cittaṃ magge maggappavesanaṃ  
imaṃ methunadhammassa âhu angadvayaṃ budhâ
- 13 Manussasanthatâ saññi theyyacittaṃ ca vatthuno  
garukâ avahâro ca adinnâdânahetuyo
- 14 Pâṇo manussako pâṇasaññitâghâtacetanâ  
payogo tena maraṇaṃ pañcete vadha hetuyo
- 15 Asanthatâ attani pâpamicchatâ yâ rocanâ tassa manussa jâ  
titâ  
naññappadeso ca tadeva jânanam pañcetta angâni  
asantadîpane
- 16 Asâdhâraṇâ cattâro bhikkhunînam abhabbatâ  
ekâdasa ca vibbhantâ bhikkhunî mudupitṭhiko
- 17 Lambimukhena gaṇhanto angajâtaṃ parassa ca  
tatthevâbhiniśidanto cattâro anulomikâ
- 18 Magge maggappavesanâ methunassa idhâgatâ  
cattâro ti catubbisa samodhânâ pârâjika ti.

## II. Garukâ navâ ti.

- 1 Mocetukâmatâ sukkassupakkamma vimocayaṃ  
aññatra supinantena samaṇo garukaṃ phuse
- 2 Itthisaññi manussitthiṃ kâyasamsaggarâgavâ

- samphusanto upakkamma samaṇo garukaṃ phuse  
 3 Tathā suṇanti viññaṃ ca maggaṃ vārabba methunaṃ  
 duṭṭhullavācā rāgena obhāseno garuṃ phuse  
 4 Vatvattakāmupaṭṭhānavaññaṃ methunarāgino  
 vācā methunayuttēna garuṃ methunayācane  
 5 Paṭiggahetvā sandesaṃ itthiyā purisassa vā  
 vīmamsitvā baram paccā samaṇo garukaṃ phuse  
 6 Saṃyācitaparikkhāraṃ katvā desita vatthukaṃ  
 kuṭṭim pamāṇātikantaṃ attuddesaṃ garuṃ phuse  
 7 Mahallakaṃ vihāraṃ vā katvā desitavatthukaṃ  
 attano vasumatthāya samaṇo garukaṃ phuse  
 8 Amūlakena codento codāpento ca vatthunā  
 antimena ca cāvetum suṇamānaṃ garuṃ phuse  
 9 Aññaṃ kiriyāṃ disvā thenalesena codayaṃ  
 vatthunā antimenaññaṃ cāvetum garukaṃ phuse  
 10 Chādeti jānaṃ āpannaṃ parivaseyya tāvatā  
 careyya saṃghe mānattaṃ parivutṭho cha rattiyo  
 ciṇṇamānattaṃ abbheyya taṃ sangho vīsatiggaṇo  
 11 Āpattinukkhittam anantarāya pahuttatāyo tathā saññi-  
 tā ca  
 chādetukāmo atha chādanā ti channā dasangehyaru-  
 ṇuggamamhi ti.

*III. Cīvaran ti.*

- 1 Khomakoseyyakappāsasāṇabhaṅgāni kambalaṃ  
 kappiyāni chaletāni sānulomāni jātito  
 2 Dukūlaṃ ceva paṭṭuṇṇapaṭisomāracīnaṃ  
 iddhijaṃ devadīnnaṃ tassa tassānulomikaṃ  
 3 Ticīvaraṃ parikkhāraṇaṃ vassikasāṭikaṃ  
 adhiṭṭhe na vikappeyya mukhapuñchanisīdanaṃ  
 4 Paccattharaṇakaṃ kaṇḍucchādima ettha ticīvaraṃ  
 navaseyyavinekāhaṃ cātumāsaṃ nisīdanaṃ  
 5 Imaṃ saṅghāṭiṃ dhiṭṭhāmi saṅghāṭiṃ iccadhiṭṭhake  
 ahatthapāsaṃ etan ti sesesu pi ayan nayo  
 6 Adhiṭṭhahanto saṅghāṭi pabhūti pubbacīvaraṃ  
 paccuddharitvādhiṭṭheyya pattādhiṭṭhahane tathā  
 7 Etam imaṃ 'va saṅghāṭiṃ saṃse paccuddharāmīti  
 evaṃ sabbāni nāmena vatvā paccuddhare vidū

- 8 Sanghāṭi pacchimantena dīghaso muṭṭhipaṅcako  
uttamantena sugatacīvarūnāpi vaṭṭati
- 9 Muṭṭhittikaṇ ca tiriyaṃ tathā ekamsikassa pi  
antaravāsako cāpi dīghaso muṭṭhipaṅcako
- 10 Aḍḍhateyyo dvihattho vā tiriyantena vaṭṭati  
nisīdanassa dīghena vidatthi dve pi sālato
- 11 Diyaddham dasā vidatthi sugatassa vidatthiyā  
kaṇḍuppaṭichādikassa tiriyaṃ dve vidatthiyo
- 12 Dighan tato catasso vā sugatassa vidatthiyā  
vassikasāṭikāya pi dīghaso cha vidatthiyo
- 13 Tiriyaṃ aḍḍhateyyo 'va sugatassa vidatthiyā  
ettha chedanapācitti karontassa tad uttari
- 14 Paccatharamukhacoḷā ākankhitappamāṇikā  
parikkhāraṇe gaṇanā pamānaṃ vā na dīpitaṃ
- 15 Tathā vatvā adhiṭṭheyya thavikādiṃ vikappiyaṃ  
ahatāhatakappānaṃ sanghāṭi diguṇā siyā
- 16 Ekacciyyottarasango tathā antaravāsako  
utuddhatānaṃ dussānaṃ sanghāṭi ca catugguṇā
- 17 Bhaveyyuṃ diguṇā sesā paṃsukūle yathāruci  
tīsu dve vāpi ekaṃ vā chinditabbaṃ pahoti yaṃ
- 18 Sabbesu appahontesu anvādhim ādiyeyya vā  
achinnaṃ ca anādinnaṃ na dhāreyya ticīvaraṃ
- 19 Gāme nivesane uddositapāsādahammiye  
nāvattamāḷārāme satthakhettaḷe dume
- 20 Ajjhokāse vihāre vā nikkhipitvā ticīvaraṃ  
bhikkhusammutiyaññatra vippavatthuṃ na vaṭṭati
- 21 Rogavassapariyantā kaṇḍucehādikasāṭikā  
tato paraṃ vikappeyya sesā apariyantikā
- 22 Paccatthaparikkhāramukhapuñchanacoḷakaṃ  
dasam pyarattanādiṇṇa kappam labbham nisīdanaṃ
- 23 Adasaṃ rajitaṃ yeva sesa cīvarapaṅcakaṃ  
kappatādiṇṇakappaṃ va sadasaṃ va nisīdanaṃ
- 24 Anadhiṭṭhita nissaṭṭhaṃ kappetvā paribhuñjaye  
hatthadīghan tatopaḍḍhavitthāraṇ ca vikappiyaṃ
- 25 Ticīvarassa bhikkhussa sabbam etaṃ pakāsitaṃ  
parikkhāracoliyo sabbam tathā vatvā adhiṭṭhahi
- 26 Acchedavissajjanagāhavibbhamā paccudharo māraṇa-  
lingasikkhā

- sabbesvadhiṭṭhāna viyogakāraṇā nibbiddhachiddaṇ ca  
ticīvarassa pi
- 27 Kusavākaphalakāni kambalam kesavāḷajam  
thullaccayam dhārayato 'lūkapakkhājīnakkhipe  
kadalerakakkadusse potthake cāpi dukkaṭam
- 28 Sabbanīlakamañjeṭṭhapitalohitakaṇhake  
mahārangamahānāmarangaratte tirītake
- 29 Acchinnadīghadasake phalapupphadase tathā  
kañcuke veṭhane sabbam labhati chinna-cīvaro ti.

*IV. Rajanāni cāti.*

- 1 Mūlakkhandhatacapattaphalapupphappabhedato  
rajanāni chabbidhāni anuññātāni satthunā
- 2 Mūle haliddim khandhe ca mañjeṭṭhatungahārake  
allim nīlī ca pattesu tace loddā ca kaṇḍulam  
kusumbham kimsukam pupphe sabbam labbham visajji-  
yā ti.

*V. Patto cāti.*

- 1 Ayopatto bhūmipatto jātiyā kappiyā duve  
ukkaṭṭho majjhimo ceva omako ca pamāṇato
- 2 Ukkatṭho māgadhanāli dvayataṇḍulasādhitam  
gaṇhāti odanam sūpam byañjanañca tadūpiyam
- 3 Majjhimo tassupaḍḍho 'va tatopaḍḍho 'va omako  
ukkaṭṭhato ca ukkaṭṭho apatto omakomato
- 4 Atirekapatto dhāreyya dasāhaparamamsako  
kappo nissaggiyo hoti tasmiṃ kāle 'tināmite
- 5 Acchedadānagāhehi vibbhanā maranuddhaṭṭā  
lingasikkhā hi chiddena patto 'dhiṭṭhānam ujjhati
- 6 Pattam na ppaṭisāmeyya sodakam na ca otape  
uṇhena niddahe bhūmyā na ṭhape no ca laggaye
- 7 Miḍhante paribhaṇḍante ange vā ātapattake  
pādesu mañcapīṭhe vā ṭhapetum na ca kappati
- 8 Na nīhareyya ucchiṭṭhe dakaṇ ca calakaṭṭhikam  
pattena pattahattho vā kapāṭam na ppaṇāmāye
- 9 Bhummi ādhārake dāru daṇḍādhāresu sajjite  
duve patte ṭhapeyyekam nikkujjitvāna bhummiyam
- 10 Dāru rūpiyasovaṇṇa mañiveluriyāmayā

- kamsakâ ca tipusîsaphalikâ tambalohajâ  
 11 Chavasîsamayâ câpi ghaṭitumbakataḥajâ  
 pattâ akappiyâ sabbe vuttâ dukkaṭavattukâ ti.

*VI. Thâlakâ câti.*

- 1 Kappiyâ thâlakâ tisso tambâyomattikâmayâ  
 dârusovaṇṇarajatamaṇiveḷuriyâmayâ  
 2 Akappâ phalikâkâ ca kamsajâ gîhisantakâ  
 samghikâ kappiyâ tumbaghaṭijâ tâvakâlikâ ti

*VII. Pavâraṇâ ti.*

- 1 Yeniriyâpathenâyam bhuñjamâno pavârîto  
 tato aṇṇena bhuñjeyya pâcitti nâtirittakam  
 2 Asanam bhojanañceva abhihâro samîpatâ  
 kâyavâcâ paṭikkhepo pañcaangâ pavâraṇâ  
 3 Odano sattukummâso maccho maṃsam ca bhojanam  
 sâli vihi yavo kangu kudrûsavaragodhumâ  
 4 Sattannam esam dhaññânam odano bhojjayâgu ca  
 sâmakâdi tiṇam kudrûsakevaraka corako  
 5 Varake sâliyañ ceva nivâro samgaham gato  
 bhaṭṭhadhaññamayo sattu kummâso yavasambhavo  
 6 Maṃso ca kappiyo vutto maccho udakasambhavo  
 bhuñjanto bhojanam kappamakappam vâ nisedhayam  
 7 Vâritobhitaṃ kappam taṃ nâmena iman ti vâ  
 lâjâ taṃ sattubhattâni goraso suddhakhajjako  
 8 Taṇḍûlâ bhaṭṭhapîṭhañ ca puthukâ veḷuâdinam  
 bhataṃ vuttâvasesânam rasayâgurasopi ca  
 9 Suddhayâguphalâdini na janenti pavâraṇam  
 pavârîtena vuttâhâya abhuttana ca bhojanam  
 10 Atirittam na kâtabbam yena yam vâ purekatam  
 kappiyam gahitañ cevuccâritam hatthapâsagam  
 atirittam karontevam alam etaṃ ti bhâsatu  
 11 Na kare 'nupasampannahatthagam pesayitvâpi  
 kâretum labhate sabbo bhuñjitum tam akârako ti

*VIII. Kâlikâ câti.*

- 1 Paṭiggahitvâ cattâro kâlikâ yâvakâlikam  
 yâmakâlikam sattâhakâlikam yâvajîvikam



- 2 Piṭṭhaṃ mûlaṃ phalaṃ khajjaṃ goraso dhaññabhojanaṃ  
yāgu sūpappabhūtaṃ hontete yāvakālikā
- 3 Madhumuddikasāluka cocamocambujambujaṃ  
phārusaṃ naggisantattaṃ pānakaṃ yāmakālikaṃ
- 4 Sānulonāni dhaññāni ṭhapetvā phalajo raso  
madhūkapupphā aññatra sabbo puppharaso pi ca
- 5 Sabbapattaraso ceva ṭhapetvā pakkadākajaṃ  
sitodamadditodicca pāko vāyāmakāliko
- 6 Sappi nonītatelāni madhu phāṇitaṃ eva ca  
sattāhakālikā sappi yesaṃ maṃsaṃ avāritaṃ
- 7 Telaṃ tilavaseṇḍa madhu sāsapasambhavaṃ  
khuddabhamara madhukari makkhikāhi kataṃ madhu
- 8 Rasādi ucchuvikati pakkāpakkā ca phāṇitaṃ  
savatthu pakkā sāmāṃ vā vassakāle amānusa
- 9 Aññesaṃ na pace vatthūṃ yāvakālikavatthukaṃ  
haliddiṃ singiveraṇi ca vacatthaṃ lasunaṃ pacā
- 10 Usiraṃ bhaddamuttaṃ cātivisaṃ kaṭurohiṇi  
pañca mûlādikaṃ cāpi mûlaṃ taṃ yāvajīvikaṃ
- 11 Viṅgamaricaṃ goṭhaphalaṃ pippalirājikā  
tiphaleraṇḍakādīnaṃ phalaṃ taṃ yāvajīvikaṃ
- 12 Kappāsanimbakaṭajapaṭolasulasādīnaṃ  
sūpeyyapaṇṇaṃ vajjetvā paṇṇaṃ taṃ yāvajīvikaṃ
- 13 Mûlaṃ sāraṃ taco pheggu phalaṃ paṇṇaṃ pupphaṃ latā  
āhāratthaṃ asādheṇṭaṃ sabbaṃ taṃ yāvajīvikaṃ
- 14 Sabbakālikasambhogo kāle sabbassa kappati  
sati paccaye vikāle kappate kālikattayaṃ
- 15 Kālasāmamatikkantā pācittiṃ janayantubho  
janayanti ubho pete antovuttaṃ ca sannidhiṃ
- 16 Sattāhakālike satta ahāni atināmite  
pācitti pāḷinārūḷhe sappi-ādīmi dukkaṭaṃ
- 17 Nissatṭhaṃ laddhaṃ makkheyya nangaṃ najjhoha-  
reyya ca  
vikappentassa sattāhe sāmāṇerassādhiṭṭhato
- 18 Makkhanādiṇi canāpatti aññassa dadato pi ca  
yāvakālika-ādīni saṃsatṭhāni sahattānā
- 19 Gābhāpayanti sabbhāvaṃ tasmā evamudīritaṃ  
pure paṭiggahītaṃ ca sattāhaṃ yāvajīvikaṃ
- 20 Sesakālikasammissaṃ pācitti paribhuñjato

- yâvakâlikasammissam itaram kâlikattayam  
 21 Paṭiggahîtam tadahu tadaheva ca bhuñjaye  
 yâmakâlikasammissam sesam evam vijâniyam  
 sattâhakâlimissañ ca sattâham kappatetaram ti

## IX. Paṭiggaho ti.

- 1 Dâtukâmâbhihâro ca hatthapâserañakkhamam  
 tidhâ dente dvidhâ gâho pañcangevam paṭiggaho
- 2 Asamhâre tattha jâte sukhume ciñca âdinam  
 paññe vâ sayhabhâre ca paṭiggaho na rûhati
- 3 Sikkhâmarañalingehi anapekkhavisaggato  
 acchedânupasampanna dâñâgâhopasammati
- 4 Appaṭiggahîtam sabbam pâcitti paribhuñjato  
 suddhañ ca nâtibahalam kappate udakam tathâ
- 5 Angalaggañ avicchinnam dantakkhikanagûthakam  
 loṇassukhelasinghânam semhamuttakarîsakam
- 6 Gûthamattikamuttâni chârîkañ ca tathâvidhe  
 sâmam gahetvâ seveyya asante kappakârake
- 7 Durûpacinñe rajokinñe attuggahapaṭiggaha  
 antovuttthe antopakke sâmam pakke ca dukkaṭam ti

## X. Maṃsesu ca akappiyan ti.

- 1 Manussahatthiassânam maṃsam sunakhadîpinam  
 sîhabyagghataracchânam acchassa uragassa ca
- 2 Uddissakatamaṃsañ ca yañ ca appaṭivekkhitam  
 thullaccayam manussânam maṃse sesesu dukkaṭam
- 3 Aṭṭhi pi lohitañ cammam lomam esam na kappati  
 sacittakam va uddissa katañ sesam acittakan ti

## XI. Nissaggiyâni ti.

- 1 Arûpiyam rûpiyena rûpiyam itarena ca  
 rûpiyam parivaṭṭeyya nissaggi idha rûpiyam
- 2 Kahâpaṇo sajjhûsingivohârûpagamâsakam  
 vatthamuttâdi itaram kappam dukkaṭavatthu ca
- 3 Imam gahetvâ bhutvâvâ imam dehi karânaya  
 demi vâtisamâpanne nissaggikayavikkaye
- 4 Attano aññato lâbham sanghassaññassa vâ natam  
 parinâmeyya nissaggi pâcitti câpi dukkaṭam

- 5 Anissajjitvā nissaggiṃ paribhuñje na deyya vā  
nissatṭham sakasaññāya dukkaṭam aññathetaran ti

*XII. Pācitti.*

- 1 Musāvādomasāvāde pesuññaharaṇe tathā  
padaso dhammasāgārā ujjhāpanakakhīyane  
2 Talasatti anādarakukkuccuppādanesu ca  
gāmapavesanāpucchā bhojane ca paramparā  
3 Anuddharitvā gamane seyyam senāsānāni vā  
itthiyaddhānagamane ekekāyanisīdāne  
4 Bhimsāpanākoṭana-aññāvāde  
vihesaduṭṭhullapakāsacchāde  
hāsodake nicchubhane vihārā  
pācitti vuttānupakhajjasaye ti

*XIII. Samaṇakappā ti.*

- 1 Bhūtagāmasamārambhe pācitti katakappiyam  
nakhena vāggisatthehi bhava samaṇakappiyam  
2 Samūlakhandhabijaggaphaḷubijappabhāvato  
ārambhe dukkaṭam bijam bhūtagāmaviyojitam  
3 Nibbattabijam no bijamakataṃ cāpi kappati  
kaṭāhabandhabijāni bahiddhā vāpi kāraye  
4 Ekābaddhesu bijesu bhājane vāpi bhūmiyam  
kate ca kappiyekasmim sabbesveva katam bhava  
5 Nikkhitte kappiyam katvā mūlapaṇṇāni jārayum  
kappiyam puna kāreyya bhūtagāmo hi so tadā  
6 Sapaṇṇo vā apaṇṇo vā sevālodakasambhavo  
cetiyaḍisu sevālo nikkhantadvittipattako  
7 Bhūtagāmo va bijam pi mūlapaṇṇe viniggate  
ghatādi piṭṭhasevālo makulam ahichattakam  
8 Dukkaṭasseva vatthūni phullam abyavahārikam  
lākbhāniyyāsachattāni allarukkhe vikopiya  
9 Gaṇhato tattha pācitti chindato vāpi akkharam  
piḷetum nāḷikerādim dārumakkaṭakādīnā  
10 Chinditum gaṇḍikam katum tiṇādīm na ca kappati  
bhūtagāmam vā bijam vā chinda bhindocināhi vā  
11 Phāḷehi vijjhupacavā niyametvā na bhāsaye  
imam karohi kappiyam imam gaṇhedam āhara  
imam dehi imam sodhehevam vaṭṭati bhāsītun ti.

*XIV. Bhummiyo ti.*

- 1 Sammutussâvanantâ ca gonisâdi gahappati  
kappiyâ bhummiyo yâsu vuttham pakkañ ca kappati
- 2 Vâsatthâya kate gehe sanghike vekasantake  
kappiyakuṭi laddhabbâ sahaseyyappahonake
- 3 Gehe sanghassa vekassa karamânevam îrayam  
paṭṭhamiṭṭhakathambhâdim ṭhapeyyussâvanantikâ
- 4 Kappiyakuṭim karoma kappiyakuṭim karomâti.  
yebhuyyenâparikkhitto ârâmo sakalo pi vâ
- 5 Vuccati gonisâditi sammuti sanghasammatâ  
bhikkhum ṭhapetvâ aññehi dinno tesam vasantako
- 6 Atthâya kappakuṭiyâ geha gahapatim ato  
akappakuṭiyâ vuṭṭha sappiâdîhi missitam
- 7 Vajeyya antovutthattam purimam kâlîka dvayam  
teheva bhikkhupâ pakkam kappate yâvajivikam
- 8 Nirâmisam va sattâham sâmise sâmapâkaṭâ  
ussâvanantikâyehi thambhâdîhi adhiṭṭhitâ
- 9 Tesu yevâpanîtesu tadaññesu pi tiṭṭhati  
bhabbesu apanîtesu bhava jahitavatthukâ  
gonisâdi parikkhitte sesâ chadanavibbhamâ ti

*XV. Upajjhâceravattânîti.*

- 1 Nissâyupajjhâcariye vasamâno supesalo  
dantakatṭhâsanam toyam yâgum kâlê dade sadâ
- 2 Patte vattam care gâmappavese gamanâgame  
âsane pâdapîṭhe ca kâthalopâhanacîvare
- 3 Bhojanîyapânîyesu vaccappasâvaṭṭhânîsu  
vihârasodhane vattam puna paññâpane tathâ
- 4 Na pappoṭheyya sodhento paṭivâte ca p' angaṇe  
vihâram bhikkhupâniya sâmantâ sayanâsanam
- 5 Nhâne nhâtassa kâtabbam rangapâke ca dhovane  
sibbane cîvare theve rajanto na vaje ṭhito.
- 6 Ekaccassa anâpucchâ pattam vâ cîvarâni vâ  
na dadeyya na gaṇheyya parikkhârâñ ca kiñcanam
- 7 Ekaccam pacchato kâtuṃ gantum vâ kassa pacchato  
piṇḍapâtam ca ninnetum niharâpetum attano
- 8 Kiccayam parikammaṃ vâ kesacchedaṃ ca attano  
kârâpetum vâ kâtuṃ vâ anâpucchâ na vaṭṭati

- 9 Gāmaṃ susānanissīmaṃ disaṃ vā gantum icchato  
attano kiccayaṃ vāpi anāpucchā na vaṭṭati
- 10 Uppannam aratiṃ diṭṭhiṃ kukkuccaṃ vā vinodaye  
kareyya vāpi ussukkaṃ sanghāyattesu kammesu
- 11 Gilāne ca supatṭheyya vuṭṭhānaṃ nesam āgame  
vattabhedena sabbattha anādarena dukkaṭaṇ ti

*XVI. Vaccapassāvathānikan ti.*

- 1 Na kareyya yathāvuddhaṃ vaccaṃ yāthānupubbiyā  
vaccapassāvakuṭiyo nhānatitthaṃ ca labbhati
- 2 Paviseyyubbhajitvā no sahasā paviseyya ca  
ukkāsivā vubbhajeyya pādūkāsveva saṅghito
- 3 Na kare nitthunaṃ vaccaṃ dantakaṭṭhaṃ ca khādayaṃ  
vaccapassāvadoṇiṃ na kareyyubhayaṃ bahi
- 4 Kūpe kaṭṭhaṃ na pāteyya kheḷaṃ passāvadoṇiyā  
nāvalekheyya pharuse nūhataṃ cāpi dhovaye
- 5 Na nikkhameyya sahasā vubbhajitvā na nikkhame  
capu capu nācameyya uklāpaṇ ca visodhaye ti

*XVII. Āpucchakaraṇan ti.*

- 1 Anajjhittḥo va therena pāṭimokkhaṃ na uddise  
dhammaṃ na kathaye pañhaṃ na pucche na ca vissaje
- 2 Āpucchitvā kathentassa punavuddhatarāgame  
puna āpucchanaṃ natthi bhattagge cānumodato
- 3 Vasanto ca anāpucchā vuddhenekavihārake  
na sajjhāyeyya uddesaṃ paripucchaṃ va no dade
- 4 Dhammaṃ na bhāsaye dīpaṃ na kare na ca vijjhape  
vātapānaṃ kavāṭaṃ vā vivareyya thakeyya ca
- 5 Cankame cankamanto pi vuddhe na parivattaye  
yena vuddho sa sanghāṭi kaṇṇenaṃ na ghaṭṭaye ti

*XVIII. Naggo ti.*

- 1 Naggo maggaṃ vaje bhuñje pive khade na sâyaye  
na gaṇhe na dade neva vande vandāpayeyya vā
- 2 Parikammaṃ na kâreyya na kare paṭicchādîsu  
parikamme duve vattâchâdi sabbatthakappiyâ ti

*XIX. Nhāna kappo ti.*

- 1 Na ca nhāyeyya therānaṃ purato pari vā tathā  
dadeyya otarantānaṃ maggam uttaramānako
- 2 Kuḍḍathambhataruṭṭhāne nhāyamāno na ghaṃsaye  
kāyagandhabbahatthena kuravindakasuttiyā
- 3 Mallakenaṇṇamaṇṇaṃ vā sarirena na ghaṃsaye  
kapāliṭṭhakakhaṇḍāni vatthavaḍḍhi ca vaṭṭati
- 4 Sabbesaṃ puthupāṇi ca gilānassākatamallakaṃ  
pāsāṇaphēṇakaṭṭhalā kappanti pādaghaṃsane ti

*XX. Avandiyo ti.*

- 1 Ukkhittānūpasampanna nānāsaṃvāsaitthiyo  
navo ca garukaṭṭho ca paṇḍako ca avandiyā ti

*XXI. Camman ti.*

- 1 Migājeḷakacammāni kappanti paribhuṇṇitum  
rohiteṇipasadā ca kurungā migajātikā
- 2 Anuṇṇātattayā aṇṇaṃ cammaṃ dukkaṭavattukaṃ  
thavikopāhane cammaṃ sabbaṃ kappati mānusaṃ ti

*XXII. Upāhanā cevā ti.*

- 1 Majjhadesena kappanti gaṇaṅgaṇupāhanā navā  
sabbassa kappantārāme sabbatthākallakassa ca
- 2 Sabbanīlakaodātapītalohitakaṇḥakā  
mahārangamahānāmarangarattā upāhanā
- 3 Sabbamaṇṇeṭṭhikā citrā nīlapītādivaddhikā  
tittirapattikā meṇḍaajavisāṇavaddhikā
- 4 Khallabaddhā puṭabaddhā tūlapuṇṇā cupāhanā  
pāḷiṅṇṭhimakā morapicchena parisibbitā
- 5 Vicchikāḷikatā siḥabyagghuddājīnadvīpināṃ  
majjārakāḷakolūkacammehi ca parikkhatā
- 6 Pādukā sankamaniyā koci dhāreyya dukkaṭaṃ  
nīlādivaṇṇaṃ sakalaṃ muṇcitvāvekadesakaṃ  
upāhanāvalaṇṇeyya hāretvā khallakādikan ti.

*XXIII. Anolokiyā ti.*

- 1 Sāratto itthiyā yoniṃ mukhaṃ vā bhikkhadāyiyā  
parassa pattam ujjhānasaṇṇi vā attano mukhaṃ  
ādāsodakapatte vā oloketassa dukkaṭaṃ ti.

*XXIV. Añjanīti.*

- 1 Vaṭṭatṭhasoḷasamsāvāmatṭhā vaṭṭati añjanī  
tisso pi mūle gīvāyaṃ lekhā ekāvabandhituṃ
- 2 Yaṃ kiñci rūpaṃ mālādikammaṃ makaradantakaṃ  
gomuttakadḍhacandādi vikāraṃ nettha vaṭṭati
- 3 Labbhekavaṇṇasuttēna sibbituṃ thavikā tathā  
sipāṭikuñcikā koso salākā pi acittakā
- 4 Sankhanābhivisaṇaṭṭhinaḷadantamayā tathā  
phalakaṭṭhamayā veḷulākhālohamayā pana
- 5 Añjanīyo salākāyo dhūmanettā ca labbhare  
tathā chattakadaṇḍāni natthu dhānā ca taṃmayāti

*XXV. Akappiyasayanānīti.*

- 1 Āsandi tūlipallanko paṭikaṃ gonacittakaṃ  
paṭali vikati uddhalomi ekantalomikā
- 2 Kuttaṃ koseyyaṃ kaṭṭhissaṃ hatthiassarathattharā  
’jinappaveṇikadalimigappavarā attharā.
- 3 Salohitavitānaññu bhato rattupadhānakam  
akappiyāni etāni dukkaṭaṃ paribhuñjato
- 4 Āsandādittayā sese labbhate gihisantake  
dhammāsane ca bhattage ghare vāpi nisīdituṃ
- 5 Bhummattharaṇasankhepe sayituñ cāpi kappati  
caturamsapiṭṭhā sattangā pañcanguṭṭhapādakā
- 6 Tūlonaddhā ghareyeva mañcapīṭhā nisīdituṃ  
coḷavākuṇṇapaṇṇānaṃ tiṇānañ ceva pūritā
- 7 Cīvaracchaviyo pañcabhisiyabbatthakappiyā  
tulattayaṃ bhisigabbho lomāni migapakkhinaṃ
- 8 Bimbohane anuññātaṃ tulavajjaṃ masūrake  
manussalomapuṇṇāyaṃ paṇṇe pupphaṃ tamālakaṃ  
suddhaṃ na āsanañ ceva labbhamappaṭivekkhitaṃ ti.

*XXVI. Samānāsāniko cāti.*

- 1 Tivassantarānuññātaṃ bhikkhūnam ekam āsanaṃ  
sattavassativassehi pañcavasso nisīdituṃ
- 2 Ṭhapetva paṇḍakam itthim ubhatobyañjanaṃ muni  
dīghāsane anuññāsi sabbeheva nisīdituṃ

- 3 Antaṃ dīghāsaṇaṃ tiṇṇaṃ yaṃ pahoti nisīdituṃ  
mañcake vāpi piṭṭhe vā dvinnaṃ labbhaṃ nisīdituṃ ti

XXVII. *Asaṃvāsiko cāti.*

- 1 Ukkhitto nūpusampanno bhikkhunicchinnamūlako  
nānāsaṃvāsaniṣṣiṃṣaṭṭhitavehāsaṇṭhitā  
ekādasa abhabbā ca asaṃvāsā ti dipitā ti.

XXVIII. *Kammaṇ cāti*

- 1 Adhammakammaṃ vaggena samaggena adhammikaṃ  
vaggena dhammakammaṇ ca samaggena ca dhammikaṃ  
2 Catutthaṃ yevānuññātaṃ sesakammesu dukkaṭaṃ  
catuvaggo pañcavaggo dasavīsativaggiko  
3 'Tirekavīsativaggo pañca saṅghā vibhāvītā  
catuvaggo 'ttha abbhānūpasampadappavāraṇā  
4 Pañcavaggo ca abbhānaṃ majjhadesūpasampadaṃ  
dasavaggo ca abbhānaṃ ṭhapetvā sabbakammiko  
5 Itaro sabbakammesu kammappatto 'ti dipito  
catuvaggena kattabbe cattāro pakatattakā  
6 Kammappattāpare chandā rahā sese pyayaṃ nayo  
catuvaggādi kattabbaṃ asaṃvāsakammārahā  
7 Garukaṭṭhesvaññataraṃ katvāna gaṇapūraṇaṃ  
parivāsādikaṃ kammaṃ kataṃ kuppañcadukkaṭaṃ  
8 Adhammakammaṃ vāreyya antarāye duve tayo  
diṭṭhāvīm eko 'dhiṭṭhānaṃ vārente 'vatato 'dhikā  
9 Kammārahā asaṃvāsā khittacittadukkaṭṭhitā  
etesaṃ saṅghamajjhamhi paṭikkhepo na rūhati  
10 Pakatatte asīmatṭhasamayāṃ vāsabhikkhuno  
ārocentassantamaso nantarassābhīrūhati  
11 Kopetuṃ dhammikaṃ kammaṃ paṭikoseyya sammukhā  
tirokkhā kāyasāmaggi chandaṃ nodeyya dukkaṭaṃ ti.

XXIX. *Micchājīvacivajjanā ti.*

- 1 Dāruṃ veḷuṃ phalaṃ pupphaṃ cuṇṇaṃ nhānamukho-  
dakam  
mattikā dantakaṭṭhādīṃ na dade kulasangahaṃ  
2 pāribhaṭṭakatā muggasuppatā vatthuvijjayā



- pahenadūtakammena janghapesaniyena vā  
 3 Anuppadānappaṭipinḍavejjakammena vā pana  
 nāññena vāpi sambuddhapaṭikuṭṭhena jīvaye  
 4 Viññattinesanābhūtullapanākuhanādihi  
 kuladūsādinuppannapaccaye parivajjaye ti

*XXX. Vattan ti.*

- 1 Âgantuko na ârāmaṃ pavise saupāhano  
 sachatto guṇṭhito sīse karitvā vāpi cīvaraṃ  
 2 Pāniyena na dhoveyya pāde vuḍḍhatare pi ca  
 âvāsike bhivādeyya puccheyya sayanāsanam  
 3 Gamiko paṭisāmetvā dārumattikabhaṇḍakam  
 vikāraṇ ca thaketvāna âpucchā sayanāsanam  
 4 Âpucchitabbe asati sangopetvāna sādhuḥkam  
 pakkameyyaṇṇathā tassa pakkantum na ca kappati  
 5 Âvāsiko paññāpeyya vuḍḍhāgantussa âsauam  
 upanikkhipe pādodappabhūtim pattacīvaraṃ  
 6 Paccuggantvāna gaṇheyya pāniyena ca pucchaye  
 âgantuke 'bhivādeyya paññāpe sayanāsanam  
 7 Âjjhāvuttham avuttham vā vgoarā gocaram vade  
 vaccappassāvathānāni katikam sekkhasammutim.  
 8 Pavesanikkhame kalam paribhojanīyapāniyam  
 nisinno va navakassa etam sabbam samuddise ti

*XXXI. Vikappanā cerā ti.*

- 1 Sammukhā parammukhā ti duve vuttā vikappanā  
 sammukhāya vikappento byattassekassa santike  
 imaṃ cīvaraṃ tuyham vikappemi ti bhāsaye  
 2 Ettāvatā nidhetum va kappati na ca kappati  
 paribhogādikam tena apaccuddhaṭabhāvato  
 mayham santakam paribhuñja vā visajjehi vā yathā-  
 paccayam vā karohīti  
 3 Tena paccuddhaṭe yeva paribhogādi kappati  
 aparā sammukhā vekā bhikkhussekassa santike  
 4 Gahetvā nāmam ekassa pañcannam sahadhamminam  
 imaṃ cīvaraṃ Tissassa bhikkhuno Tissāya bhikkhuniyā  
 Tissassa sāmaṇerassa Tissāya sāmaṇeriyā Tissāya bhikkhamā-

nāya vikappemi ti vattabbaṃ. tena bhikkhunā Tissassa bhikkhuno Tissāya bhikkhuniyā Tissassa sāmaṇerassa Tissāya sāmaṇeriyā Tissāya bhikkhamānāya santakaṃ paribhuñja vā visajjehi vā yathā paccayaṃ vā karohīti vattabbaṃ.

parammukhā vikappanā ekassantevam īraye

imaṃ cīvaraṃ tuyhaṃ vikappanattāya dammīti tena vattabbo. ko te mitto vā sandiṭṭho vāti. itarena ceva vattabbaṃ Tisso bhikkhu ti vā Tissā vā bhikkhunīti puna tenāhaṃ Tissassa Tissāya vā dammi ti vikappite teneva Tissassa bhikkhuno Tissāya vā bhikkhuniyā santakaṃ paribhuñja vā visajjehi vā yathāpaccayaṃ karohi paccuddharitabbaṃ.

- 5 Dūrasantikattekattabahubhāvaṃ vijāniya  
etam imanti etāni imāni te' ttha yojaye
- 6 Dasāhaṃ māsam ekaṃ vā pañca vā kathinatthate  
pāripūrattham ūnassa paccāsāsati māsakaṃ  
nuppādayati nissaggiṃ nādhiṭṭhitam vikappitanti

### XXXII. Nissayo ti.

- 1 Byattassa pañcavassassa natthi nissayakāriyaṃ  
yāvajīvaṃ pi abyatto nissito yeva jīvati
- 2 Ekamsaṃ cīvaraṃ katvā paggaṇhitvāna añjalim  
ukkuṭikaṃ nisīditvā vade yāvatatīyakaṃ  
ācariyo me bhante hohi āyasmato nissāya vacchāmi ti
- 3 Pakkante pakkhasankante vibbhante cāpi nissayo  
maraṇānattupajjhāya samodhānehi sammati
- 4 Nissāya na vase laggim apubbaṃ ṭhānam āgato  
āgame catupañcāhaṃ nātum bhikkhusabhāgataṃ
- 5 Addhikassa gilānassa gilānupaṭṭhākassa ca  
yācitassa araṇṇevā sallakkhenta phāsukaṃ  
sabbhāge dāyake sante vasitum tāva labbhatīti

### XXXIII. Kāyabandhanan ti.

- 1 Akāyabandhano gāmaṃ dukkaṭaṃ paviseyya ce  
bandheyya yattha sarati tатthevāsatiyā gato

- 2 Paṭṭikā sūkarantanti duvidhaṃ kāyabandhanaṃ  
dussapaṭṭo ca rajju ca eṭā tadanulomikā
- 3 Macchakaṇṭakakhajjūripattā maṭṭhā ca paṭṭikā  
labbhā dasā catasso pi ante diguṇasuttakaṃ
- 4 Mālādiṃ kakkatacchādiṃ dassetvā guṇasuttakaṃ  
kottitā kuñjaracchādiṃ vaṭṭikā na ca kappati
- 5 Ghaṭakaṃ makaramukhādiṃ na kappanti dasāmukhe  
labhante ghaṭakā lekhā vidhe aññaṃ ca cittaṃ
- 6 Deḍḍubbakaṃ ca murajaṃ maddavināṃ kalābukaṃ  
na kappanti dasāsu dve majjhimā yeva kappare
- 7 Vejudantavisāṇaṭṭhi kaṭṭhalākhā phalāmayā  
sankhaṇābhimayā suttāṃ naḷalohamayā pi ca  
vidhā kappanti kappiyā gaṇṭhiyo cāpi taṃmayāti

PAṬHAMA-BHĀNAVĀRAṀ NIṬṬHITAM.

XXXIV. Paṭhavi cāti.

- 1 Jātājātā ti duvidhā suddhamattikapamsukā  
jātā daḍḍhā ca paṭhavi bahumattikapamsukā
- 2 Cātumāsādikovaṭṭhapamsuṃmattikarāsī ca  
suddhasakkharapāsāṇamarumbakatavālukā
- 3 Daḍḍhā ca bhummi yebhuyya sakkharādi mahī pi ca  
dutiyaṃ vuttarāsī ca cātumāsomavaṭṭhako
- 4 Dve bhāgā tisu bhāgesu mattikā yassa bhummiyā  
yebhūyya mattikā esā sesesu pi ayaṃ nayo
- 5 Pācitti khaṇane jāte jātasāññaṃ dukkaṭaṃ  
dveḷhassājātasāññaṃ nāpattāṇāpane tathā
- 6 Pahāre pahārāpatti khaṇamānassa attanā  
ekāyāṇattiyā ekā nānāṇattisu vācaso
- 7 Imāṃ ṭhānam imāṃ kandaṃ idha vāpiṃ khaṇettha ca  
jālehaggin ti vā vatthūṃ niyametvāna vaṭṭati
- 8 Thambhassimassa āvāṭaṃ mattikaṃ jānamāhara  
karoḥi kappiyaṃ ceti vacanaṃ vaṭṭatedisaṃ
- 9 Asambaddhaṃ pathaviyā sukkhakkaddamaādikaṃ  
kopetaṃ tanukaṃ labbhamussīṃ ca niyakaddamaṃ
- 10 Gaṇḍuppadāṃ upacikā mattikamūsikukkurāṃ  
cātumāsādhikovaṭṭhaṃ leḍḍādīṃ ca na kopaye

- 11 Patítevâpi âdinaṃ kule udakasantike  
pâsâṇe ca raje lagge patitena va soṇḍiyâ
- 12 Vammike mattikâ kuḍḍe abbhokâsuṭṭhite tathâ  
yebhuyyakathalaṭṭhâne tiṭṭhatiṭṭhakakuṭṭako
- 13 Thambhâdim gaṇhituṃ bhûmiṃ sañcâletvâ vikopayaṃ  
dhârâya bhindituṃ bhûmiṃ kâtuṃ vâ visamaṃ samaṃ
- 14 Sammajjanîhi ghaṃsituṃ kaṇṭakâdim pavesituṃ  
dassessâmîti bhindanto bhûmiṃ cankamituṃ padaṃ
- 15 Ghaṃsituṃ angapaccangam kaṇḍurogîtaṭṭâdisu  
hatthaṃ vâ dhovituṃ bhumiṃ ghaṃsituṃ na ca kappati
- 16 Thambhâdim ujukuddhâro pâsâṇâdipavaṭṭanaṃ  
sâkhâdikaḍḍhanaṃ rukkhalaṭṭâchedanaphâḷanaṃ
- 17 Sekopassâvâdinaṃ suddhacittassa vaṭṭati  
allaththaṃ ṭhapetvâna rajaggâho ca bhûmiyâ
- 18 Aggissa anupâdâne kapâle iṭṭhakâya vâ  
pâtetuṃ labbhate aggaṃ bhûmiyaṃ vâvasesatî ti

XXXV. *Parikkhâro ti.*

- 1 Pañcavaṇṇehi suttehi anto bahi ca sibbituṃ  
girikûṭṭâḍḍhacandâdim chatte paṇṇe ca chindituṃ
- 2 Ghaṭakam vâlarûpam vâ daṇḍe lekhâ na vaṭṭati  
vaṭṭati daṇḍabundamhi ahichattakasâdisam
- 3 Sibbituṃ ekavaṇṇena pañjaram vâ vinandhituṃ  
tirattam vaṭṭati chatte daṇḍe lekhâvabandhituṃ
- 4 Ante paṭṭamukhe vâpi veṇisankhalikâ pi vâ  
sûcivikâram aṇṇam vâ cîvarena ca kappati
- 5 Kappabinduvikâram vâ pâḷikaṇṇikaâdikam  
gaṇṭhipâsakapaṭṭâpi catukonâ va agghiyam
- 6 Muggaro kakkatâcchâdi vikâram nettha vaṭṭati  
koṇasuttâ ca piḷakâ duviññeyyâvakappare
- 7 Gandham telâm va lâkham vâ rajanena ca pakkhipe  
rattam sankhena maṇinâ ghaṭṭeyyaññena vâ na ca
- 8 Ghaṃseyya doṇiyam katvâ pahârena ca muṭṭhinâ  
kaṇṇakoṇakasuttâni ratte chindeyya cîvare
- 9 Lekhâ na vaṭṭati dhammakaraṇe chattavaḍḍiyam  
lekham ṭhapetvâ maṇikâ piḷakâ kuñcikâya ca
- 10 Pippale ca paricchdalekhâ daṇḍamhi vaṭṭati

- mâlâdyaraniyaṃ pattamaṇḍale bhittikammañ ca  
 13 Heṭṭhā lekhā dvayaṃ uddham ahichattakasādisaṃ  
 hitvā kattarayaṭṭhimhi sūcisandāsake pi ca  
 14 Yaṃ kiñci girikūṭādi vaṇṇamaṭṭhaṃ na vaṭṭati  
 bimbohanamhi sīmañca piṭṭhādisayanāsane  
 15 Sammuñjanimhi sankārachaddane rangabhājane  
 pāṇīyabhājane pādapiṭṭhe kathalikāya ca  
 16 Pattādhārapidhānesu tālavaṇṭe ca bijane  
 yaṃ kiñci mālākammādi vaṇṇamaṭṭhamavāritaṃ  
 17 Senāsane pana dvāravāṭādiṭṭhābhedaṇe  
 sovannamayam 'nuññātaṃ vaṇṇamaṭṭhamhi kā kathā  
 18 Visāṇanāḷilābādippabhede telabhājane  
 pumitthirūparahitaṃ vaṇṇamaṭṭhamavāritan ti

*XXXVI. Bhesajjan ti.*

- 1 Janassa kātum bhesajjaṃ dātum vatthum na labbhati  
 bhikkhācariyaviññatti sakehi sahadhamminam
- 2 Pitunam tadupaṭṭhākaṃ bhikkhunissitabhaṇḍunam  
 labbham bhesajjakaraṇam veyyāvaccakarassa ca
- 3 Mahācūḷapitāmātābhātābhaginiādīnam  
 tesam sakenattaniye dātābbaṃ tāvakālikam
- 4 Kuladūsanaviññattibhesajjakaraṇādīhi  
 mātāpitūhi sambandhañātakesu na rūhati
- 5 Piṇḍapāto anāmaṭṭho mātādīnam avārito  
 channam dāmaricorassa dātum issariyassa ca
- 6 Tesam suddakeheva parittaṃ karenattano  
 bhaṇitābbaṃ bhaṇāpente parittaṃ sāsānogaḍham
- 7 Sīlam dhammaṃ parittaṃ vā āgantvā detu bhāsatu  
 dātum vatthuñ ca labbhati gantvā kenaci pesito ti

*XXXVII. Uggaho ti.*

- 1 Kammacetiyasaṃghañṇapuggalattham gaṇassa ca  
 dasabhedam pi ratanam uggaṇhantassa dukkaṭam
- 2 Nissaggitesu attattham dvīsu sesesu dukkaṭam  
 anāmasitvā vutte tu gaṇasaṃghañṇapuggalam
- 3 Cetiyaṃ navakammaṃ dammīti na paṭikkhipe  
 vade kappiyakārānam vadantevam ime iti

- 4 Khettaṃ vatthum taḷākaṃ vā dente dāsapasvādikaṃ  
paṭikkhipitvā gaṇheyya kappiyena kamena ca
- 5 Khetṭādīni vihārassa vutte dammīti vaṭṭati  
navamātikakedāratalākakiriyaṃ nave
- 6 Mattikuddharaṇaṃ bandho thirakāro ca āḷiyā  
atirekabhāgādānaṃ kedāre anave nave
- 7 Aparicchinnabhāge ca sassede 'thettake iti  
kahāpaṇuṭṭhāpanaṃ ca sabbesaṃ pi akappiyaṃ
- 8 Avatvā kasavapiccā dettakāya ca bhūmiyā  
patitṭhāpeti bhūmiṃ vā bhāgo deyyo ti etthako
- 9 Bhūmibāge kataṃ sassaṃ etthake gaṇhathethakaṃ  
gaṇhanattham vadantevaṃ pamāṇaṃ daṇḍarajjūhi
- 10 Minane rakkhaṇe ṭhatvā khaletaṃ niharāpane  
koṭṭhādipaṭisāmane tassevetamakappiyaṃ
- 11 Paṭisāmeyya pācitti yaṃ kiñci gihisantaṃ  
bhaṇḍāgārikasīna same pi pitusantaṃ
- 12 Pītūnaṃ kappiyaṃ vatthum avassaṃ paṭisāmiyaṃ  
attano santaṃ katvā labbhate paṭisāmitum
- 13 Dehīti paṭisāmetvā vutte cāpi paṭikkhipe  
pātetvānagate labbhaṃ palibodho ti gopitum
- 14 Kammaṃ karontā ārāme sakaṃ vaddhakiādayo  
parikkhāraṃ ca sayanabhaṇḍaṃ vā rājavallabbā
- 15 Dehīti paṭisāmetvā vadanti yaḍi chandaso  
na kareyya bhayāṭhānaṃ guttaṃ dassetaṃ vaṭṭati
- 16 Balakkārena pātetvā gatesu paṭisāmitum  
bhikkhumanussāsankanti naṭṭhe vatthumhi tādisa
- 17 Vihāraṃ vasathassanto ratanaṃ ratanasammatāṃ  
nikkhipeyya gahetvāna magge 'rañṇe pi tādisa  
sāmikānāgamaṃ ūatvā paṭirūpaṃ karissatīti

## XXXVIII. Dūsanān ti.

- 1 Pupphaṃ veluṃ phalaṃ cuṇṇaṃ dantakaṭṭhaṃ ca  
mattikaṃ  
saṅgahaṇattham dadato kuladūsanadukkaṭṭaṃ
- 2 Thullaccayaṃ garubhaṇḍaṃ issarenettha saṅghikaṃ  
dentassa dukkaṭṭādini theyyāsanghassa santaṃ
- 3 Kulasaṅgahāropetaṃ ropāpetaṃ ca sabbathā

- phalapupphupagam rukkham jaggituñ ca na vaṭṭati  
 4 Nimittobhāsato kappavohāraparisāyato  
 attano paribhogattham ropāpanādi labbhati  
 5 Vuttā va vejjikā janghapesane gīhikammesu  
 ṭhapetvā pitaro bhaṇḍum veyyāvaccakaram sakam  
 6 Dukkaṭam padavārena haraṇe dūtasāsanam  
 sāsanam agahetvāpi paṭhamam vadato puna  
 7 Uppannapaccayā evam pañcannam pi akappiyā  
 abhūtā rocanā rūpasamvohāruggahā disā  
 8 Harāpetvā haritvāpi pitūnam sesaññātinam  
 pattānam vatthupūjattham dātum pupphāni labbhati  
 9 Maṇḍanatthañ ca līngādipūjatthañ ca na labbhati  
 tathā phalam gilānānam sampattissariyassa ca  
 10 Paribbayavihīnānam dātum saparasantakam  
 bhājente phalapupphamhi deyyam pattassa kassaci  
 11 Sammatenāpaloketvā dātābham itarena tu  
 vihāre vā paricchijja kātvāna katikam tato  
 12 Deyyam yathā paricchedam gilānassetarassa vā  
 yācamānassa katikam katarukkhāvadassiyā  
 13 Sirisakasāvādinam cuṇṇe sese ca nicchayo  
 yathāvuttanayo eva paṇṇam ettha pavesaye ti.

*XXXIX. Vassupanāyikā cerā ti.*

- 1 Purimikā pacchimikā duve vassūpanāyikā  
 tathālayapariggāho vacībhedo ca idiso  
 imasmim vihāre imam temāsam vassam upemi  
 2 Idha vassam upemīti cittuppādettha ālayo  
 nopetukāmo āvāsam tadahu 'tikkameyya vā  
 3 Bhaveyya dukkaṭāpatti jānam vānupagacchato  
 dutiyam upagaccheyya chinnavasso 'nupāgato  
 4 Na pakkameyya temāsam avasitvāna cārikam  
 mātāpitūnam atthāya pañcannam sahadhamminam  
 5 Gilānatadupaṭṭhākabhāttam esissam osadham  
 pucchissāmi upaṭṭhissam gantvānābhīratim aham  
 6 Vūpakāsissam kukkucam diṭṭhim garukam ādikan  
 karissam vāpi kāressam vinodanam vivecanam  
 7 Vuṭṭhānam vāpi ussukkam gantum iccevamādinā

- labbhaṃ sattāhakiccena pahitāpahite pi ca  
 8 Saṃghakamme vaje dhammasavanatthaṃ nimantito  
 Garūhi pahito vāpi garūnaṃ vāpi passitūṃ  
 9 Na bhaṇḍadhovanuddesañātupatthākadussane  
 labbhaṃ na pāpuṇeyyajje vāyamissanti dūrato  
 10 Sesañātīhi pesite bhikkhunissitakena ca  
 upāsakopāsikāhi niddisitvāna pesite  
 11 Vassacchede anāpatti antarāye satattano  
 saṃghasāmaggiyāvāno chinnavasso pavāraye  
 12 Ajjhokāse ca rukkhassa susire viṭape pi vā  
 chavakuṭichattacātīsūpagantūṃ na vaṭṭati  
 13 Asenāsanikenāpi upagantūṃ na labbhati  
 pavāretuñ ca labbhati nāvāsathavajūpago ti

*XL. Acebhangiyā ti.*

- 1 Arāmārāmavatthūni vihāro tassa vatthu ca  
 mañco pīṭhaṃ bhisi bimbohanādisayanāsanam  
 2 lohakumbhī kaṭāho ca lohabhāṇakavārako  
 kuṭhāri vāsi pharasu kuddālo ca nikhādanam  
 3 Valli veḷu tiṇaṃ paṇṇaṃ muñjapabbajamattikā  
 dārumattikabhaṇḍāni pañcete avibhājiyā  
 4 Thullaccayaṃ bhājayato bhājitāpi abhājitā  
 garubhaṇḍāni vuccanti ete 'vissajjiyāni ca  
 5 Valliḍḍhabāhumattāpi veḷu aṭṭhangulā yato  
 tiṇādīmutthimattampi paṇṇam ekaṃ pi mattikā  
 6 Pakatā pañcavaṇṇā vā sudhā kankuṭṭhaādikā  
 tālapattappamāṇāpi dinnā vā tattha jātakā  
 7 Rakkhitā saṃghikā rajjusottādi pi abhājiyā  
 niṭṭhite bhājiyā kamme saṃghike cetiyassa vā  
 8 Pattādi bhikkhusārappaṃ tathā vippakatākatam  
 bhājiyaṃ lohabhaṇḍesu vārakaṃ pādagaṇhakaṃ  
 9 Veḷumhi bhājiyā telanālikattaradaṇḍako  
 chattadaṇḍasālākāyo tathopāhanadaṇḍako  
 10 Anuññātavāsidaṇḍo karaṇḍo pādagaṇhako  
 araṇaṇ ca nisīngādi bhikkhūpakaraṇaṃ tathā  
 11 Tacchitvā niṭṭhitam dārubhaṇḍan dantañ ca bhājiyaṃ  
 bhikkhūpakarane pādagaṇḍako mattikāmāyo



- 12 Bhājiyaṃ kappiyaṃ cammaṃ eḷacammam abhājiyaṃ  
garuṇāgarubhaṇḍāṇi ca thāvaran thāvarena ca  
13 Thāvaram parivaṭṭeyya tathā katvā ca bhuñjituṃ  
vallādiplhātikammena gaṇhe sesamabhājiyan ti

*XLI. Pakiṇṇakan ti.*

- 1 Sadvārabandhane thāne sodukkhalakapāsake  
sayantena divā dvāraṃ bandheyya parivaṭṭakaṃ  
2 Sante viññumhi purise ābhogo cāpi kappati  
savasetam vinākāraṃ sayanto dukkaṭam phuse  
3 Ratanānitthirūpāni dhaññam itthipasādanam  
turiyāvudhabhaṇḍāni āmasantassa dukkaṭam  
4 Sittatelo datehi phaṇahatthaphaṇehi vā  
kocchena vāpi yo kese osaṇheyy'assa dukkaṭam  
5 Nekapāvuraṇā ekattharaṇā vā tuvaṭṭeyyūṃ  
tathekamañce bhuñjeyyūṃ ekasmiṃ vāpi bhājane  
6 Caturangulato ūnam adhikaṭṭhangulan tathā  
dantakaṭṭham na khādeyya lasuṇam na akallako  
7 Hīnukaṭṭhehi ukkaṭṭham hīnam vā jātiādīhi  
ujum vaññapadesena vade dubbhāsitaṃ davā  
8 Dīghe nakhe ca kese ca nāsārome na dhāraye  
na labbham vīsatimaṭṭam sambādhe lomahāraṇam  
9 Yathāvuddham na bādheyya saṅghuddiṭṭham va sañ-  
ghikaṃ  
adhotaallapādehi nakkame sayanāsanaṃ  
10 Sudhotapādakaṃ vāpi tatheva saupāhano  
saṅghāṭiyā na pallatthe bhittādiṃ na apassaye  
11 Parikammakataṃ sante uduke no na ācame  
akappiyasamādāne davā sīlāpavijjhane  
12 Desanāya sabhāgāya āvīkaṃme ca dukkaṭam  
paṭissavavisamvāde suddhacittassa dukkaṭam  
13 Paṭissavakkhaṇe eva pācitti itarassa ca  
na rukkhā abhirūheyya sati kicceva porisaṃ  
14 Āpadāsu yathā kāmaṃ kappati abhirūhituṃ  
vinaddhānaṃ vajantassa dukkaṭam parissāvanam  
15 Yācamānassa addhāne adadantassa dukkaṭam  
thullaccayaṃ phuse aṅgajātacchedena dukkaṭam

- 16 Âbâdhapaccayaññatra sesaṅge attaghâtane  
cittapotthakarûpâni na kare na ca kârâye
- 17 Na vuṭṭhâpeyya bhuñjantam ârâmâraññagehesu  
yânâni pumayuttâni sivikaṃ hatthavaṭṭakam
- 18 Pâṭangim ca gilânassa kappate abhirûhitum  
buddham dhammañ ca saṅghañ ca ârabba karaṇe  
davam
- 19 Dukkaṭam parisaṃ vâpi aññassa upalâlâne  
kâyam ûrum nimittam vâ bhikkhunînam na dassaye
- 20 Vivaritvâ na siñceyya tâ kaddamudakâdinâ  
agaṇhato ca ovâdam na paccâharato pi ca
- 21 Bâlam gilânâṃ gamikaṃ vajjayitvâna dukkaṭam  
lokâyatam na vâceyya palitam na ca gâhaye
- 22 Pelâya pi na bhuñjeyya na kîle kiñci kîlitam  
pârupe na nivâseyya gîhipârupanam nivâ
- 23 Sanam kare samvelliyaṃ dâyam âlimpayeyya vâ  
vaḍḍhim payojaye yâce no ñâtakapavârîte
- 24 Attano paribhogattham dinnam aññassa no dade  
aggam gahetvâ bhûtâvâ katipâham puno dade
- 25 Uddissayâcane rakkham ñatvâ ñatvâ va daṇḍinam  
gîvâssa daṇḍite daṇḍo svayam daṇḍâpane pana
- 26 Daṇḍassa agghabhedena ñeyyâ pārâjikâdikâ  
harantesu parikkhâram cora cora ti bhâsite
- 27 Anathâya sangāhante daṇḍam gîvassatattakam  
vighâsucchârasankâram muttam chaḍḍeyya dukkaṭam
- 28 Bahi pâkâraḍḍânam vaḷaṅje nâvalokiya  
harite vâpi pihâdi naḷikerâdiropime
- 29 Yojâpetum payojetum payuttâni ca passitum  
na labbham dhammayuttam pi naccam gîtam ca vâditam
- 30 Upahâram karomâti vutte vâ sampatiçchitum  
râjâgâram pokkharāṇim uyyānam cittâgâram
- 31 Kîlattham gacchato datthum ârâmam dukkaṭam kataṃ  
nave na paṭibâheyyâsanenuḥhena cîvaram
- 32 Nidaheyya khamâpeyya garunâ ca paṇâmito  
akkosane parammukhâ âpatthi ca sattahi
- 33 Bhikkhum upâsakam vâpi aññeneva ca dukkaṭam  
na labbham vinipâtetum sadâdeyyam ca cîvaram
- 34 Labbham pitûnam sesânam ñâtînam pi na labbhati

- vassaṃ vuttho 'ññato 'ññatra bhāgaṃ gaṇheyya dukkatam  
 35 Paṭideyya natṭhe jinne givā nodeyya codito  
 dhuranikkhepato tesaṃ hoti bhaṇḍagghakāriyo  
 36 Na santaruttaro gāmaṃ kallo vā saupāhano  
 paviseyya na dhāreyya cāmarikaṃ ca bījanim  
 37 Agilāno na chindeyya kese kattariyā bahi  
 ārāmato no dhāreyya chattam labbhati guttiyā  
 38 Vaheyya 'nubhatokājam ekantarikakājakam  
 sīsakkhandhakaṭṭi bhāro hatthalambo ca labbhati  
 39 Āpattiyā anokāsakataṃ codeyya dukkaṭam  
 suddhassa ca avatthusmiṃ tathā okāsakāraṇe  
 40 Aṭṭhangulādhikammaṃ ca paṭipādam na dhāraye  
 pakatangulāsattānaṃ mañcam vā uccapādam  
 41 Mūgabbatādim gaṇheyya dukkaṭam titthiyabbatam  
 khurabhaṇḍam parihare tathā nhāpitapubbako  
 42 Yam kiñci yācitum hatthakammaṃ tadanusārato  
 laddham gaḥetum nikkhammam ayācitvā pi kappati  
 43 Kāretum āharāpetum yam kiñci parasantakam  
 gihīnam gopake dente gaḥetum deti yattakam  
 44 Laddham yathā paricchedam sanghaçetiyaçantakam  
 dvihāpajjeyya āpattim kāyavācāhi vā chahi  
 45 Alajjiñānakukkuccapakatattāsatiplavā  
 akappiye vā kappiye kappākappiyasaññitā  
 46 Alajjiñānatāpattim kāyavācāhi chādaye  
 liṅge saṅghe gaṇekasmim catudhāpattivuṭṭhiti  
 47 Parikathobhāsaññatti na labbhā paccayadvaye  
 viññatti yeva tatiye sese sabbam pi labbhati  
 48 Na rūhataccaye dānam pañcannaṃ sahadhamminam  
 saṅghasseva ca tam hoti gihīnam pana rūhati  
 49 Bhikkhu vā sāmanero vā mareyyum yadūpassaye  
 bhikkhusaṅgho vā dāyajjo tattha sese pyayam nayo  
 50 Purimassevimaṃ dinnam dehi netvāsukassa ca  
 pacchimasseva dammīti dinnam natvā imam vidhim  
 51 Gaṇhe vissāsagāham vā 'dhiṭṭhe matakacīvaram  
 lohahhaṇḍe paharaṇim dārubhaṇḍe ca dārujam  
 52 Pattam pādukapallankam āsandim mattikāmaye  
 ṭhapetvā kappati sabbam kaṭakam kumbhakārikan ti

*XLII. Desanā.*

- 1 Cāgo yo bhikkhubhāvassa sâ pārâjikadesanā  
yathā vuttena vuṭṭhānaṃ garukâpattidesanā
- 2 Ukkuṭikaṃ nisīditvā paggaṇhitvāna añjaliṃ  
thullaccayādiṃ deseyya evam ekassa santike

ahaṃ bhante ekaṃ thullaccayâpattiṃ âpajjīṃ taṃ tumha mūle paṭidesemi ti vatvā tena passasi āvuso taṃ âpattiṃ ti vutte âma bhante passâmiti vatvā puna tena âyatim āvuso saṃva-reyyâsīti vutte sādhu suṭṭhu bhante saṃvarissâmiti vattabbaṃ. ahaṃ bhante dve thullaccayâpattiyo âpajjīṃ. ahaṃ bhante sambahulā thullaccayâpattiyo âpajjīṃ. tā tumha mūle paṭi-desemīti vattabbaṃ. nissaggiyesu pana idaṃ me bhante cīvaraṃ dasâhâtikkantaṃ nissaggiyaṃ imâham âyasmato nissajjâmiti. imâni me bhante cīvarâni etaṃ me bhante cīvaraṃ etâni me bhante cīvarâni dasâhatikkantâni nissaggi-yâni. etânâham âyasmato nissajjâmiti.

- 3 Nissajjitvāna deseyya âpatti tena bhikkhunā  
paṭiggahetvā âpattiṃ deyyaṃ nissatṭhacīvaraṃ

imam imâni etaṃ etâni cīvarâni âyasmato dammīti. idaṃ me bhante cīvaraṃ ratte vippavutthaṃ aññatra bhikkhu-sammutiyā nissaggiyaṃ. idaṃ me bhante akâlacīvaraṃ mâ-sâtikkantaṃ nissaggiyaṃ. idaṃ me bhante purâṇacīvaraṃ aññâtikâya bhikkhuniyâ dhovâpitaṃ nissaggiyaṃ. idaṃ me bhante cīvaraṃ aññâtikâya bhikkhuniyâ hatthato paṭiggahi-taṃ aññatra parivattakâ nissaggiyaṃ. idaṃ me bhante cīvaraṃ aññâtaṃ gahapitakaṃ viññâpitaṃ aññatra samayâ nissaggiyaṃ. idaṃ me bhante cīvaraṃ aññâtaṃ gahapa-tikaṃ tad uttari viññâpitaṃ nissaggiyaṃ. idaṃ me bhante cīvaraṃ pubbe appavâritaṃ aññâtaṃ gahapatikaṃ upasan-kamitvâ vikappam âpannaṃ nissaggiyaṃ. idaṃ me bhante cīvaraṃ pubbe appavârite aññâtike gahapatike upasan-kamitvâ vikappam âpannaṃ nissaggiyaṃ. idaṃ me bhante cīvaraṃ atirekatikkhattuṃ codanâya atirekachakkhattuṃ ṭhânaena abhinipphâditaṃ nissaggiyaṃ. idaṃ me bhante koseyyamissakaṃ santhatam kârâpitaṃ nissaggiyaṃ. idaṃ

me bhante suddhakālakānam eḷakalomānaṃ santhatam kârâ-pitaṃ nissaggiyaṃ. idaṃ me bhante santhatam anâdiyivâ tulaṃ odâtānaṃ tulaṃ gocariyānaṃ kârâpitaṃ nissaggiyaṃ. idaṃ me bhante santhatam ûnachabbassāni kârâpitaṃ aññatra bhikkhusammutiyâ nissaggiyaṃ. idaṃ me bhante nisīdanasanthatam anâdiyivâ purānasanthatassa sâmantâsugatavidatthiṃ kârâpitanissaggiyaṃ. imāni me bhante elakalomāni tiyojanaparamam atikkamitāni nissaggiyāni. imāni me bhante eḷakalomāni aññâtikāya bhikkhuniyâ dhovâpitāni nissaggiyāni. ahaṃ bhante rūpiyaṃ paṭiggahesiṃ. idaṃ me bhante nissaggiyaṃ, imâhaṃ sanghassa nissajjāmīti. ahaṃ bhante nânappakârakam rūpiyasamvohāram samâpajjīṃ. idaṃ me bhante nissaggiyaṃ, imâhaṃ sanghassa nissajjāmīti.

- 4 Nissajjitvāna âpattiṃ deseyyâtha gihim vade jânâhīman ti iminâ so vadeyyâharāmi kiṃ
- 5 Avatvâ 'mantitelādim vade bhikkhūnaṃ kappiyaṃ yam âharati so tena parivaṭṭetvâ kappiyaṃ
- 6 Labbhaṃ ṭhapetvâ dve pete sabbehi paribhuñjituṃ tato aññena laddho pi bhāgo tesam na kappati
- 7 Rukkhachâyâ pyantamaso tam nibbattâ na kappati nisatṭhaṃ paṭiladdhampi âdito santatattayaṃ
- 8 No ce labbheṭṭha evaṃ so imaṃ chaḍḍehi saṃsiyo evaṃ pi bhikkhu chaḍḍeyya no ce labbheṭṭha sammato
- 9 Etāni dutiyaṃ pattam sanghe sesāni labbhare sanghekasmim gaṇe vatthum labbhaṃ bhāsantarena pi

ahaṃ bhante nânappakârakam kayavikkayaṃ samâpajjīṃ. idaṃ me bhante nissaggiyaṃ, ayam me bhante patto dasâhâtikkanto nissaggiyo, ayam me bhante patto ûnapaṇca bandhanena pattena cetâpito nissaggiyo. imâhaṃ sanghassa nissajjāmi.

- 10 Nissajjitvāna deseyya âpattiṃ pattaḡâhakam sammaññitvāna sanghassa pattantaṃ tassa dâpaye

idaṃ me bhante bhesajjam sattâhâtikkantaṃ nissaggiyaṃ idaṃ me bhante vassikasâṭikacivaram atirekamāse sese gimhāne pariyaṭṭhaṃ. atirekaḍḍhamāse sese gimhāne katvâ

paridahitaṃ nissaggiyaṃ. idaṃ me bhante cīvaraṃ bhikkhussa sāmaṃ datvā puna acchinnaṃ nissaggiyaṃ. idaṃ me bhante cīvaraṃ sāmaṃ suttaṃ viññāpetvā tantavāyehi vāyāpitaṃ nissaggiyaṃ. idaṃ me bhante cīvaraṃ pubbe apavāritassa aññātakassa gahapatikassa tantavāye upasankamitvā vikappam āpannaṃ nissaggiyaṃ. idaṃ me bhante accekacīvaraṃ samayam atikkāmitaṃ nissaggiyaṃ. idaṃ me bhante cīvaraṃ atirekacharattaṃ vippavutthaṃ aññatra bhikkhusammutiyā nissaggiyaṃ. idaṃ me bhante jānaṃ sanghikaṃ lābham attano pariñāmitaṃ nissaggiyaṃ, imāham āyasmato nissajjāmīti.

#### 11 Sesam sabbam yathāyogam ādimhi vippayojaye

ahaṃ bhante ekaṃ pācittiyāpattim āpajjīm. dve sambahulā pācittiyāpattiyo āpajjīm. gārayhaṃ me bhante dhammam āpajjīm asappāyam paṭidesaniyaṃ. taṃ paṭidesemīti. tena passasi āvuso taṃ dhamman ti vattaḃbaṃ. ahaṃ bhante ekaṃ dukkaṭāpattim āpajjīm, dve, sambahulā dukkaṭāpattiyo āpajjīm. ahaṃ bhante ekaṃ dubbhāsītāpattim āpajjīm, dve, sambahulā dubbhāsītāpattiyo āpajjīm. tā tumha mūle paṭidesemīti. ahaṃ bhante dve nānāvattukā thullaccayāpattiyo āpajjīm, sambahulā nānāvattukā thullaccayāpattiyo āpajjīm. tā tumha mūle paṭidesemīti vatvā. tena passasi āvuso tā āpattiyo ti vutte. āma bhante passāmīti vatvā. puna tena āyatim āvuso samvareyyāsīti vutte. sādhu suṭṭhu bhante saṃvarissāmīti vattaḃbaṃ.

#### 12 Adesanāgāminiyam anāpatti ca desitaṃ

nānāsamvāsā nissīmaṭṭhitānaṃ catupañcahi  
manasā pakatattānaṃ nānekā 'ti na desayeti

#### XLIII. Chandadānādīti.

- 1 Bherim ghaṇḍim patāletvā kammaṭṭe samāgate sanghe hareyya chandaṃ vā pārisuddhim pavāraṇaṃ
- 2 Ekaṃ bhikkhum upāgamma nisīditvā ukkuṭikaṃ añjaliṃ paggaṇhitvāna dade chandaṃ vicakkhaṇo

chandaṃ dammi. chandaṃ me hara. chandaṃ me ārocehīti vattaḃbaṃ. pārisuddhim dentena. pārisuddhim

dammi. pârisuddhiṃ me hara. pârisuddhiṃ me ârocehîti  
vattabbam.

- 3 Pârisuddhiṃ padânenena sampâdeti uposatham  
saṅghassa attano câpi sesakammaṃ vibâdhati
- 4 Chandadânena saṅghassa dvayaṃ sâdheti nattano  
tasmâ chandaṃ dadantena dâtabbâ pârisuddhipi
- 5 Hareyyeko bahûnaṃ pi paraṃparâ na hârâye  
paraṃparâhaṭṭâ chanda-pârisuddhi na gacchati  
sabbûpacâraṃ katvâna evaṃ deyyâ pavâraṇâ

pavâraṇam dammi. pavâraṇam me hara. pavâraṇam me  
ârocehi. mamatthâya pavârehîti.

- 6 Ârocetvâ 'tha so sangham pavâreyyevaṃ âgato

itthamnâmo bhante sangham pavâreti diṭṭhena vâ sutena  
vâ parisankâya vâ. vadatu taṃ sangho anukampam upâdâya.  
passanto patikarissatîti.

7. Gahetvâ pârisuddhiṃ vâ chandaṃ vâpi pavâraṇam  
hârako sangham appatvâ vibbameyya mareyya vâ
- 8 Sâmaṇerâdibhâvaṃ vâ paṭijâneyya nâhatâ  
patvâ sangham tathâheyya âhatâ hoti hârako
- 9 Sanghapatto pamatto vâ sutto nârocayeyya vâ  
anâpatti va sañcicca nârocentassa dukkaṭanti

#### *XLIV. Uposatho ti.*

- 1 Dve uposathâ cātuddaso pannaraso itî  
suttuddesamadhiṭṭhânapârisuddhi vasâ tayo
- 2 Suttuddeso va sanghassa adhiṭṭhânauposatho  
puggalasseva sesânaṃ pârisuddhiuposatho
- 3 Pubbakicce ca karaṇe pattakalle sammânite  
suttam uddisati sangho pañcadhâ so vibhâvito
- 4 Vinantarâyaṃ sankhepenuddeso vinivârîto  
thero va issaro dvîsu uddese vettha tîsu vâ
- 5 Visadesû ti vuttattâ avattante pi vaṭṭati  
âgaccheyyumaṃ yadi samâ uddisanteva thokikâ
- 6 Uddiṭṭham yaṃ suuddiṭṭham sotabbam avasesakaṃ  
uddiṭṭhamatte sakalâyekaccâyutṭhitâya vâ

- 7 Pârisuddhiṃ kareyyesaṃ santike bahukâtha ce  
katvâ sabbavikappesu pubbakiccaṃ punuddise
- 8 Pannaraso vâsikânaṃ itarânaṃ sacetaro  
samânetare 'nuvattantu purimânaṃ sace 'dhikâ
- 9 Purimâ anuvattantu tesam sese pyayaṃ nayo  
pâṭipadovâsikânaṃ itarânaṃ uposatho
- 10 Samathokânaṃ sâmaggiṃ mûlatṭhâ dentu kâmato  
bahi gantvâna kâtabbo no ce denti uposatho
- 11 Deyyâ nicchâyasâmaggiṃ bahûsu bahi vâ vaje  
pâṭipado gantukânaṃ evameva ayaṃ nayo
- 12 Sâveyya suttaṃ sañcicca asâventassa dukkaṭaṃ  
sammajjitum padîpetum paññâpetum dakâsanaṃ
- 13 Na kareyya tathâ kallo mahâtherena pesito  
sammajjitvâ padîpetvâ paṭhâpetvâ dakâsanaṃ
- 14 Gaṇaṇattim ṭhapetvevaṃ kattabbo tihuposatho  
suṇantu me âyasmanto. ajjuposatho pannaraso. yadâ-  
yasmantânaṃ pattakallaṃ mayamaññaṃ pârisuddhiuposathaṃ  
kareyyâmâti.
- ekamsaṃ cîvaram katvâ nisîditvâ ukkuṭikaṃ
- 15 Therena añjalim tvevaṃ paggayha samudîriyâ  
parisuddho aham âvuso parisuddho 'ti maṃ dhârethâti vade  
yâvatatiyakam.
- samattapubbârambhena tena yenevaṃ îriyâ  
parisuddho aham âvuso parisuddhoti maṃ dhârehîti  
tikkhattum vattabbo.
- dvîsu therena kattabbaṃ katvevamîriyo navo  
parisuddho aham âvuso parisuddho ti maṃ dhârehîti  
tikkhattum vattabbo.
- 16 Navena thero tikkhattum evam assa udîriyo  
parisuddho ahaṃ bhante parisuddho ti maṃ dhârehîti  
pubbakiccaṃ sampâdetvâ adhiṭṭheyyevaṃ ekato  
ajja me uposatho paṇṇaraso ti vâ cātuddaso ti vâ adhiṭ-  
ṭhâmîti
- ti vattabbaṃ no ce adhiṭṭheyya dukkaṭaṃ
- 17 Yattha vâ santi cattâro tayo vâ yadi vâ duve  
pârisuddhiṃ haritvâna ekekassitaritare



- 18 Tam tam uposatham kayirum siyā āpatti dukkaṭam  
vagge samagge vaggo ti saññino vimatissa vā  
19 Dukkaṭam karoto bhedādhippāyena thullaccayam  
vagge samaggenāpatti samaggo itisaññino  
20 Ukkhittassa gahaṭṭhassa sesānam sahadhamminam  
pārājikassa sabbassa sikkhānikkhittakassa ca  
21 Nisinnaparisāyañ ca sabhāgāpattiko tathā  
chandena parivutthena pātimokkham na uddise  
22 Adesayitvānāpannam nāvikatvāna vematiṃ  
'nuposathe pi vā kātum posatho na ca kappati  
22 Aṭṭhitopasathāvāsā na vaje tadahū vinā  
antarāyam vā sangham vā dhiṭṭhātum sīmamevavāti

*XLV. Pavāraṇā ti.*

- 1 Dvinnam tinnāñ catunnañ ca aññamaññāpavāraṇā  
ekassa ca adhiṭṭhānam sesā saṅghapavāraṇā  
2 Pubbakicce ca karaṇe pattakalle samānite  
ṭhapetvā ñattiṃ saṅghena kattabbevaṃ pavāraṇā  
Suṇātu me bhante saṅgho. ajja pavāraṇā pannarasī.  
yadi saṅghassa pattakallam sangho pavāreyyāti.  
3 Ekamsam cīvaram katvā nisīditvā ukkuṭikam  
therena añjaliṃ saṅgho paggayha samudīriya

saṅgham āvuso pavāremi diṭṭhena vā sutena vā parisankāya  
vā vadantu mam āyasmanto anukampam upādāya. passanto  
paṭikarissāmi. dutiyam pi tatiyam pi āvuso sangham  
pavāremi diṭṭhena vā sutena vā parisankāya vā vadantu  
mam āyasmanto anukampam upādāya passanto paṭi-  
karissāmi.

- 4 Pavārentesu theresu nisajjukkuṭikam navo  
pavāreti sayam yāva ukkuṭiko va acchatu  
5 Pubbārambham samāpetvā navo sangham udīriyo

saṅgham bhante pavāremi diṭṭhena vā sutena vā pari-  
sankāya vā vadantu mam āyasmanto anukampam upādāya.  
passanto paṭikarissāmi. dutiyam pi tatiyam pi bhante  
sangham pavāremi d. vā s. vā p. vā . . . paṭikarissāmi.

dānena dhammasākacchā kalahehi ca rattiyō  
 6 Tevācīkāya okāse sati khepitabhāvato  
 antarāye dasavidhe ñattim vatvānurūpato

suñātu me bhante sangho manussehi dānaṃ dentehi dvīhi  
 bhikkhūhi dhammaṃ sākacchantehi kalahaṃ karontehi  
 yebhuyyena ratti khepitā sa ce sangho tevācīkaṃ pavāressati  
 appavārīto va sangho bhavissati athāyaṃ ratti vibhāyissati  
 ayaṃ rājantarāyo pe . . . ayaṃ brahmacariyantarāyo sace  
 sangho tevācīkaṃ pavāressati appavārīto va sangho bhavissati.  
 athāyaṃ brahmacariyantarāyo bhavissati. yadi sanghassa  
 pattakallaṃ sangho dvevācīkaṃ ekavācīkaṃ samānavassikaṃ  
 pavareyyāti.

7 Pavāreyyānurūpena yathā thapitañattiyā  
 āgaccheyyūṃ yadi samā ādikā cettha āhare  
 8 Evaṃ ti catuvaggo ca ñattim vatvā pavāraye

suñantu me āyasmanto ajja pavāraṇā paṇṇārasī. yadāyasmantānam  
 pattakallam mayam aññamaññaṃ pavāreyyāmāti.

ekaṃsaṃ cīvaraṃ katvā nisīditvā ukkuṭīkaṃ  
 9 Therena añjaliṃ tvevaṃ paggayha samudīriya

aham āvuso āyasmante pavāremi diṭṭhena vā sutena vā  
 pariśāṅkāya vā vadantu . . . paṭīkarissāmi. dutiyampi tati-  
 yampi . . . paṭīkarissāmi.

navenāpi ahaṃ bhante āyasmante pavāremi . . . paṭī-  
 karissāmīti.

dvīsu therena kattabbaṃ navo katvevaṃ īriyo

aham āvuso āyasmantaṃ pavāremi . . . dutiyampi tati-  
 yampi . . . navenāpi . . . paṭīkarissāmīti.

10 Pubbakiccaṃ samāpetvā adhiṭṭheyevam ekako

ajja me pavāraṇā cātuddasī ti vā paṇṇārasī ti vā adhiṭṭhā-  
 mī ti vattabbaṃ.

yasmiṃ vasanti vā pañca cattāro vā tayo duve

11 Pavāraṇaṃ haritvāna ekekassitaritāre

taṃ taṃ pavāraṇaṃ kayirūṃ siyā āpatti dukkaṭaṃ

12 Sesā uposathe vuttā gāthāyo cettha āhare

- 13 Pavārite ca sanghamhi pārisuddhi uposatham  
kareyya chinnavasso vā avuttho vānupāgato
- 14 Catumāsiniyā cāpi kate sanghenuposathe  
vutthavassā pavāreyyum sace appatarā siyumti

*XLVI. Saṃvaro ti.*

- 1 Cakkhussotādibhedehi rūpasaddādi gocare  
abhijjhādomanassādi ppavattim vinivāraye
- 2 Niggaṇheyya sakam cittam kiṭṭhādim viya duppasum  
satimā sampajāno ca care sabbiriyāpathe ti

*XLVII. Suddhīti.*

- 1 Desanā saṃvaro eṭṭhi paccavekkhaṇabhedato  
suddhi catubbidhā pātimokkhasaṃvarasammatam
- 2 Desanāya visuddhattā desanāsuddhi vuccati  
na punevam karissanti cittādhitṭhānasamvaro
- 3 Vutto saṃvarasuddhīti sujjetindriyasamvaro  
pahāyānesanam dhammenuppādentassa eṭṭhiyā
- 4 Suddhattā eṭṭhisuddhīti vuttam ājīvanissitam  
yoniso paṭisankhāya cīvaram paṭisevati
- 5 Evamādi yathāvuttapaccavekkhaṇasujjhanā  
paccavekkhaṇasuddhīti vuttam paccayanissitanti

*XLVIII. Santosō ti.*

- 1 Appena anavajjena santuṭṭho sulabhena ca  
mattaññu subharo hutvā care sadhammagāravo
- 2 Atitam nānusocanto nappajappamanāgatam  
paccuppanno nayāpento santuṭṭho ti pavuccati

*XLIX. Caturakkhā ti.*

- 1 Buddhānussatimettā ca asubham maraṇassa ti  
ārakattādināraham sammāsamañca buddhato
- 2 Sammāsambuddham iti vānussatiyā punappunam  
navabhede bhagavato buddhānussatiyā guṇe

- 3 Sīmaṭṭhasaṅghasīmaṭṭhadevatāsu ca issare  
jane gocaragāmaṃhi tatthuppādāya mānuso
- 4 Sabbasattesu sukhitā hontā verādiādīnā  
parichijja parichijja bhāvanā mettabhāvanā
- 5 Vaṇṇasaṅṭhānaokāsadisato paricchedato  
vavatthapetvā kesādikoṭṭhāse anupubbato
- 6 Nātisīghañ ca saṅikaṃ vikkhepaṃ paṭibāhayaṃ  
paṇṇattiṃ samatikkamma muñcantassānupubbato
- 7 Vaṇṇāsayasaṅṭhānaṃ gandhokāsehi bhāvanā  
paṭikkulāsikoṭṭhāse uddhumātādivatthusu
- 8 Gahetvā asubhākāraṃ pavattā bhāvanā subhaṃ  
maraṇaṃ me bhavissati jīvitam uparujjhati
- 9 Maraṇaṃ maraṇaṃ vāti bhāvayitvāna yoniso  
vadhakassevupaṭṭhānā sampattīnaṃ vipattito
- 10 Upasaṃharato kāyabahuśādhāraṇā tathā  
āyudubbalato kālavavatthānassa bhāvato
- 11 Addhānassa paricchedā bhāvanā maraṇassatīti

*L. Vipassanā ti.*

- 1 Nāmarūpaṃ pariggayha tato tassa ca paccayaṃ  
hutvā abhāvato niccā udayabbayapīḷanā
- 2 Dukkā avasavattittā anattā ti tilakkhaṇaṃ  
āropetvāna sankhāre sammasanto punappaṇaṃ
- 3 Pāpuneyyānupubbena sabbasaṃyojanakkhayanti  
adhisiḷādhicittānaṃ adhippaññāyasikkhanā
- 4 Bhikkhukiccam ato khuddasikkhāyasamudāhaṭo  
mahato kittisaddassayassa lokavicārino
- 5 Parissamo na sambhoti mālutasseva niccayo  
tena Dhammasirikena Tambapaṇṇiyaketunā
- 6 Therena racitā dhammavinayaññūpasamsitā  
ettāvātāyaṃ niṭṭhānaṃ khuddasikkhā upāgatā  
pañcamattehi gāthānaṃ satehi parimāṇato ti.

NIBBĀNAPACCAYO HOTU.

KHUDDASIKKHĀ NIṬṬHITĀ.

# MÛLASIKKHÂ.

NAMO TASSA BHAGAVATO ARAHATO SAMMÂSAMBUDDHASA.

Natvâna taṃ pavakkhâmi mûlasikkhaṃ samâsato.

## PÂRÂJIKÂ.

- I. 1 Bhikkhunâ navakenâdo mûlabhâsâya sikkhituṃ  
yannimittaṃ pavesanto bhikkhu maggattaye cuto
- 2 Pavesanaṭṭhituddhârapaviṭṭhe cepi sâdiyam  
adinnaṃ mânusam bhaṇḍam theyyâyekena âdiyam
- 3 Pañcavisâvahâresu garukaṃ ce cuto bhava  
âdiyanto haranto vâ haranto iriyâpatham
- 4 Vikopento tathâ ṭhânâ câvento pi pārâjiko  
tatha nânekabhaṇḍânam pañcakânam vasâ pana
- 5 Avahârâ dasaṃ ceti viññâtabbâ vibhâvinâ  
sahatthânattiko ceva nissaggo atthasâdhako
- 6 Dhuranikkhepanaṃ ceva idaṃ sâhatthapañcakaṃ  
pubbasahapayogo ca samvidhâharaṇam pi ca
- 7 Saketakammaṃ nimittaṃ pubbayogâdipañcakaṃ  
theyyâpasayhâ parikappâ paṭicchinnâ kusâtikâ
- 8 Avahârâ ime pañca viññâtabbâ vibhâvinâ  
manussapâṇam pânoti jânam vadhakacetasâ  
jîvitâ yo viyojetti sâsanâ so pārâjiko
- 9 Jhânâdibhedam hadaye asantaṃ  
aññâpadesaṃ ca vinâdhimânam  
manussajâtissa vadeyya bhikkhu  
ñâtakkhaṇe tena pārâjiko vaso.  
[parâjayam âpanno pārâjiko.]

CATTÂRO PÂRÂJIKÂ NIṬṬHITÂ.

*II. Sattagarukâpatti.*

- 1 Mocetukâmacittena upakkamma vimocayaṃ  
sukkam aññatra supinâ samaṇo garukaṃ phuse
- 2 Kâyasamsaggarâgena manussitthim parâmasaṃ  
itthisaññi upakkamma samaṇo garukaṃ phuse
- 3 Dutthullavâcassâdena maggaṃ vârabba methunaṃ  
obhâsento manussitthim suṇamânaṃ garuṃ phuse
- 4 Vaṇṇaṃ vatvattano kâmapâricariyâya methunaṃ  
itthimethunarâgena yâcamâno garuṃ phuse
- 5 Sandesaṃ paṭigaṇhitvâ purisassitthiyâ pi vâ  
vîmaṃsitvâ haraṃ pacchâ samaṇo garukaṃ phuse
- 6 Câvetukâmo codento amûlantimavatthunâ  
codâpayam vâ samaṇo suṇamânaṃ garuṃ phuse
- 7 Lesamattamupâdâya amûlantimavatthunâ  
câvetukâmo codento suṇamânaṃ garuṃ phuse

SATTAGARUKÂPATTI NIṬṬHITÂ.

*III. Nissaggiyâ.*

- 1 Vikappanam adhiṭṭhânaṃ akatvâ kâlâcivaraṃ  
dasâham atimâpeti tassa nissaggiyaṃ siyâ
- 2 Bhikkhusammutiyaññatra ticivaraṃ adhiṭṭhitam  
ekâham atimâpeti tassa nissaggiyaṃ siyâ
- 3 Aññâtikâya bhikkhuniyâ purâṇâcivaraṃ pana  
dhovâpeti rajâpeti âkoṭâpeti tam siyâ
- 4 Aññâtikâya bhikkhuniyâ hatthato kiñci mûlakaṃ  
adatvâ civarâdâne nissaggiyaṃ udîritam
- 5 Appavâritam aññâtîṃ viññâpentassa civaraṃ  
aññatra samayâtassa nissaggiyaṃ udîritam
- 6 Rajataṃ jâtarûpaṃ vâ mâsakaṃ vâ kahâpanaṃ  
gaṇheyya vâ gaṇhâpeyya nissaggi sâdiyeyya vâ
- 7 Parivaṭṭeyya nissaggi rajatâdi catubbidham  
kappiyaṃ kappiyenâpi ṭhapetvâ sahadhammike
- 8 Vikappanam adhiṭṭhânaṃ akatvâna pamânikaṃ  
dasâham atimâpeti pattaṃ nissaggiyaṃ siyâ

- 9 Pañcabandhanato ûnapatte sati param pana  
viññâpeti navam pattam tassa nissaggiyam siyâ
- 10 Paṭiggahetvâ bhuñjanto sappi telâdikam pana  
sattâham atimâpeti tassa nissaggiyam siyâ
- 11 Bhikkhussa cîvaram datvâ acchindantassa tam puna  
sakasaññâya nissaggi acchindâpayato pi vâ
- 12 Appavâritam aññâtîm suttam yâciya cîvaram  
vâyâpentassa nissaggi vinaññâtîpavârite
- 13 Jânanto bhikkhusanghassa lâbham pariñatam pana  
attano pariñâmeti tassa nissaggiyam siya.  
[nissajjitabbo nissaggiyo.]

TERASA NISSAGGIYÂ NIṬṬHITÂ.

#### IV. Pâcittiyâ.

- 1 Sampajânamusâvâde pâcittiyam udîritam  
bhikkhuñ ca omasantassa pesuññaharane pi ca
- 2 Ṭhapetvâ bhikkhunim bhikkhum aññena piṭakattayam  
padaso dhammam bhañantassa pâcittiyam udîritam
- 3 Anupasampanneva sayitvâna tirattiyam  
pâcitti sahaseyyâya catutthatthangate puna
- 4 Itthiyâ ekarattampi seyyam kappayato pi vâ  
desentassa vinâ viññum dhammam ca chapaduttari
- 5 Dutṭhullam bhikkhuno vajjam bhikkhusammutiyâ vinâ  
abhikkhuno vadantassa pâcittiyam udîritam
- 6 Khañeyya vâ khañapeyya pathaviñ ca akappiyam  
bhûtagâmam vikopeyya tassa pâcittiyam siyâ
- 7 Ajjhokâse tu mañcâdim katnâ santharañâdikam  
sanghikam yâti pâcitti akatvâ pucchanâdikam
- 8 Sanghikâvasathe seyyam katvâ santharañâdikam  
akatvâ pucchanâdim yo yâti pâcitti tassa pi
- 9 Jânam sappânakam toyam pâcitti paribhuñjaye  
aññâtikâ bhikkhuniyâ ṭhapetvâ parivaṭṭakam
- 10 Cîvaram deti pâcitti cîvaram sibbato pi ca  
atirittam akâretvâ pavâretvâna bhuñjato
- 11 Bhikkhum âsâdanâpekkho pavâreti pavâritam  
natirittena bhutte tu pâcittiyam udîritam

- 12 Sannidhim bhojanam bhuñje vikāle yāvakālikam  
bhuñjato vāpi pācitti agilānopanītakam
- 13 Viññāpetvāna bhuñjeyya sappi bhattādīkam pi ca  
appaṭiggahitam bhuñje dantakaṭṭhodakam vinā
- 14 Tīthiyassa dade kiñci bhuñjitabbam sahatthato  
nisajjam vā raho kappe mātugāmena ekato
- 15 Surāmerayapāne pi pācittiyam udiritam  
angulipatodake cāpi hasadhamme pi codake
- 16 Anādare pi pācitti bhikkhum bhimsayato pi vā  
bhayānakam katham katvā dassetvā vā bhayānakam
- 17 Thapetvā paccayam kiñci agilāno jaleyya vā  
joti jalāpayeyya vā tassa pācittiyam siyā
- 18 Kappabindum anādāya navacīvarabhogino  
hasāpekkhassa pācitti bhikkhuno cīvarādīkam
- 19 Apanetvā nidhentassa nidhāpentassa vā pana  
jānam pānam mārentassa tiracchānagatam pi vā
- 20 Chādetukāmo chādeti duṭṭhullam bhikkhuno pi ca  
gāmantaragatassāpi samvidhāyitthiyā saha
- 21 Bhikkhum paharato vāpi talasattīkam uggire  
codeti vā codāpeti garukā mūlakena pi
- 22 Kukkuccuppādane cāpi bhaṇḍanattāyupassutim  
sotum bhaṇḍanaajātānam yāti pācittiyam siyā
- 23 sanghassa lābham parināmitan tu  
nāmeti yo tam parapuggalassa
- 24 Puccham akatvā pi ca santabhikkhum  
pācitti gāmassa gate pi kāle

EKACATTĀLĪSA PĀCITTIYĀ NIṬṬHITĀ.

V. *Dubbhāsipakīṇṇaka-niddesā.*

- 1 Sanghīkam garukam bhaṇḍam soḍeyyaññassa issaro  
thullaccayam yathāvatthum theyyāparājīkādi pi
- 2 Kusādimayacīrāni kambalam kesavālaJam  
samayam vinā dhārayatolūkapakkhājīnakkhipam
- 3 Satthakamme vatthīkamme sanimittāṇca bhīdato  
thullaccayam manussānam maṃsādībhojane pi vā
- 4 Kadalerakkadussāni potthakam sabbanīlakam  
sabbapītādīkam cāpi dhārayantassa dukkaṭam



- 5 Hatthissuragasonânam sîhabyagghaccha dîpinam  
taracchassa ca maṃsâdi uddissakatakam pi ca
- 6 Anâpucchitamamṣaṇ ca bhuñjato dukkaṭam siyâ  
yâthânupubbam hitvâna dakatitthâdikam vaje
- 7 Sahasâ vubbhajitvâna pavise nikhameyya vâ  
vaccapassâvakuṭikam vinâ ukkâsikam vise
- 8 Nitthunanto kare vaccam dantakaṭṭhaṇ ca khâdayam  
vaccapassâva doninam bahi vaccâdikam kare
- 9 Kharena câvalekheyya kaṭṭham pâteyya kûpake  
ûhataṇ ca na dhoveyya uklâpaṇ ca na sodhaye
- 10 Dakakiccam karontassa katvâ capu capu ti ca  
anajjhittṭho va therena pâtimokkham pi uddise
- 11 Anâpucchâya pañhassa kathane visajjane pi ca  
sajjhâyakaraṇe dîpam jâlana vijjhâpane pi ca
- 12 Vâtapâṇakavâṭâdi vivareyya thakeyya vâ  
vandanâdim kare naggo gamanam bhojanam pi ca
- 13 Parikammam kare kâre 'ti paṭichannakam vinâ  
nahâya kâyam ghamseyya kuḍḍe thambhe tarum pi vâ
- 14 Kuruvindakasuttana aññamaññassa kâyato  
agilâno pahârâme careyya saupâhano
- 15 Upâhanam yo dhâreti sabbanilâdikam pi ca  
nimittam itthiyâratto mukham vâ bhikkhadâyiya
- 16 Ujjhânasaññi aññassa pattam vâ attano mukham  
âdâsâdimhi passeyya uccâsanamahâsane
- 17 Nisajjâdim karontassa dukkaṭam vandane pi vâ  
ukkitṭhânupasampannanânâsamvâsakâdinam
- 18 Ekato paṇḍakitthîhi ubhatobyañjanena vâ  
dîghâsane nisideyya adîghe âsane pi ca
- 19 Asamânâsanikena mañcapîṭhe sayeyya vâ  
kulasangahattham dadato phalapupphâdikam pi ca
- 20 Gaṇṭhim âdim kare kâre jinavâritapaccaye  
paribhuñjeyya abyatto anissâya vaseyya vâ
- 21 Anuññâtehi aññassa bhesajjam vâ kare vade  
kare sâpattiko bhikkhu uposathapavâraṇam
- 22 Dvârabandhâdike ṭhâne parivattakavâṭakam  
apidhâya vinâ bhogam niyogam vâsaye divâ
- 23 Dhaññitthirûparatanam âvudhitthipasâdanam  
tûribhaṇḍam phalam rukkhe pupphaññâdiṇ ca âmase

- 24 Sasittodakatelehi phaṇahatthaphaṇchi vā  
kesam osaṇhanekasmim bhājane bhojane pi ca
- 25 Ekattharaṇapāvuraṇe sayeyyum dvekamañcake  
dantakaṭṭhañ ca khādeyya adhikūnaṃ pamānato
- 26 Yojeti vā yojāpeti naccam gītaṃ ca vāditaṃ  
dassanaṃ savanaṃ tesam karontassa ca dukkaṭaṃ
- 27 Pihādiropime cāpi bahi pākārukūḍḍake  
vaccādichaddānādīmhi dīghakesādi dhāraṇe
- 28 Nakhamatṭhakarādīmhi sambādhe lomahāraṇe  
parikkammakataṃ bhūmim akkame saūpāhano
- 29 Adhotaallopādehi sanghikaṃ mañcapitṭhakaṃ  
parikkammakataṃ bhittim āmasantassa dukkaṭaṃ
- 30 Sanghaṭṭiyā pi pallatthe dupparibhuñjeyya cīvaraṃ  
akāyabandhano gāmaṃ vaje katvāna vaccakaṃ
- 31 Nācameyya dake sante samādeyya akappiye  
desanārocanādīmhi sabhāgāpattiyā pi ca
- 32 Na vase vassaṃ viṣaṃvāde suddhacitto paṭissavaṃ  
vassaṃ vasitvā gamane ananuñātakiccato
- 33 Vinā padaṃ tarusuddham porisamhābhirūhāṇe  
aparissāvano 'ddhānaṃ vaje taṃ yācito na de
- 34 Attano ghātane itthirūpādīm kārayeyya vā  
hitvā mālādikaṃ cittaṃ jātakādīm sayam kare
- 35 Bhuñjantamutṭhapentassa sālādīsu nisīdato  
vuddhānaṃ pana okāsaṃ adatvā vāpi dukkaṭaṃ
- 36 Yānādīm abhirūheyya kallako ratanattayaṃ  
ārabbha vade davanāparisāyopalālāṇe
- 37 Kāyādīm vivaritvāna bhikkhūnaṃ na dassaye  
vāce lokāyataṃ phalitaṃ gaṇheyya gaṇhapeyya vā
- 38 Yatthakatthacipeḷāya bhuñjato patta hatthako  
vātapāṇakavāṭaṃ vā paṇāme sodakam pi ca
- 39 Uñheyya paṭisāmeyya atiuñheyya nodakaṃ  
ṭhapeyya bhūmiyaṃ pattam ange vā mañcapitṭhe vā
- 40 Miḍhante paribhaṇḍante pāde chatte ṭhabeti vā  
calakādīm ṭhape pattam patte vā hattha dhovane
- 41 Pattena niharantassa ucchiṭṭham udakam pi ca  
akappiyam pi pattam vā paribhuñjeyya dukkaṭaṃ
- 42 Vade jīvā 'ti khipite na bhikkhati anādaro  
parimaṇḍalakādīmhi sekhiye dukkaṭaṃ siyā

- 43 Yo bhaṇḍāgāre pasutto va bhaṇḍakam  
mâtûna pâcittiyam assa gopayo  
44 Davâya hînena pi jâtiâdinâ  
vadeyya dubbhâsitam uttamam pi so

DUBBHÂSIPAKIṆṆAKANIDDESÂ NIṬṬHITĀ.

*VI. Suddhi.*

- 1 Upajjhâceravattañ ca gamikâgantukam pi ca  
senâsanâdivattañ ca kâtabbam piyasîlinâ
- 2 Hatthapâse t̥hito kiñci gahitabbam dade tidhâ  
gahetukâmo gaṇheyya dvidhâyaṃ sampaṭiggaho
- 3 Sanghâṭim uttarâsangam tathâ antaravâsakam  
etam imam adhiṭṭhâmi tathâ paccuddharâmîti
- 4 Imam imâni etâni etam pi cîvaran ti vâ  
parikkhâracolânîti tathâ paccuddharâmîti
- 5 Ekam imam adhiṭṭhâmi pattam paccuddharâmîti  
evam paccuddhare 'dhiṭṭhe cîvarâdi yathâvidhi
- 6 Sañcarittam vinâ sesâ sacittagarukantimâ  
acchinnam pariṇatam hitvâ nissaggiyam acittakam
- 7 Padaso dhammam duve seyyam itthiyâ dhammadesanâ  
duve senâsanâni pi sibbanam cîvarassa pi
- 8 Pavâritam surâpânam pañcasannidhiâdikam  
joti ujjâlanañ ceva kappabindum anâdikam
- 9 Gâmapavesanan 'tete pâcittîsu acittakâ  
pakiṇṇakesu uddissa katham hitvaññamamsakam
- 10 Ekattaraṇapâvuraṇam ekamañce tuvaṭṭaṇam  
ekato bhuñjanañ câpi naccagîtâdi sattapi
- 11 Akâyabandhanañ câpi pattahatthakavâṭakam  
acittakam idam sabbam sesamettasacittakam
- 12 Vitakkamanacittena sacittakam acittakam  
paññattijânane câpi vadantâcariyâ tathâ
- 13 Pubbakaraṇâdikam katvâ uposathapavâraṇam  
navamâ dipitam sabbam kâtabbam piyasîlinâ  
sammujjanî padîpo ca udakam âsanena ca  
uposathassa etâni pubbakaraṇan ti vuccati.  
chandapârisuddhi utukkhânam bhikkhugaṇanâ ca ovâdo.  
uposathassa etâni pubbakaraṇan ti vuccati

uposatho yâvatikâ ca bhikkhû  
 kamma-pattâ sabhâgâ-pattiyo ca  
 na vijjanti vajjaniyâ ca puggalâ  
 tasmim na honti pattakallan ti vuccati.

pubbakaraṇapubbakiccâni samâdapetvâ desitâpattikassa sa-  
 maggassa bhikkhusanghassa anumatiyâ pâṭimokkham uddi-  
 situm ârâdhanam karoma.

pârisuddhi adhiṭṭhânam suddhesavasâ tidhâ  
 gaṇapuggalasanghâ ca tam kareyyum yathâkammaṃ  
 cātuddaso pañcadaso samaggi dinato tidhâ  
 dinapuggalakâtabbâ kârato tena veritâ  
 tayo tayo' ti katvâna dinapuggalabhedato  
 tevâcidvekavâciti nava vuttâ pavâraṇâ  
 kattikantimapakkhambâ hemaṃ phaggaṇapunaṃ  
 tassa antimapakkhambâ gimham âsâlipunaṃ  
 vassakâlam tato seyyam catuvîsatuposathâ  
 cātuddasa cha etesu pakkhâ tatiyasattamâ  
 ñeeyâ pannarasa sesâ aṭṭhârasa uposathâ

chandaṃ dammi. chandaṃ me hara. chandaṃ me âroce-  
 hîti chandaṃ dâtabbam. pârisuddhim dammi. p° me hara.  
 p° me ârocehîti pârisuddhi dâtabbâ. pavâraṇam dammi. p°  
 me hara. p° me ârocehi mamatthâya pavârehîti pavâraṇâ  
 dâtabbâ. âpatti desakena. aham bhante sambahulâ nânâ-  
 vatthukâ âpattiyo âpajjim. tâ tumhe mûle paṭidesemi.  
 vutte passasi âvuso tâ âpattiyo ti. paṭigaṇhantena vutte.  
 âma bhante passâmi vatvâ puna paṭigaṇhantena âyatim âvuso  
 samvareyyâsîti vutte sâdhu sutṭhum bhante samvarissâmiti  
 tikkhattum vatvâ desetabbam. vematim ârocentena. aham  
 bhante sambahulâsu nânâvatthukâsu âpattisu vematiko.  
 yadâ nibbematiko bhavissâmi tadâ tâ âpattiyo paṭikarissâmîti  
 tikkhattum vatvâ ârocetabbam ajja me uposatho pannaraso ca-  
 tuddaso ti vâ adhiṭṭhâmîti. tikkhattum vatvâ puggalena adhi-  
 ṭṭhânauposatho kâtabbo. dvîsu pana therena parisuddho aham  
 âvuso parisuddho ti mam dhârehîti tikkhattum vattabbam.

navakenâpi tatheva vattabbam. aham bhante mam dhâ-  
 rethâti vacanam viseso. tîsu pana suṇantu me âyasmanto  
 ajjuuposatho pannaraso yadâyasmantânam pattakallam mayam  
 aṇṇamaṇṇam pârisuddhi uposatham kareyyâmâti ñattim ṭha-

petvā paṭipāṭiyā vattanayena pārisuddhiuposatho kâtabbo. ajja me pavāraṇā cātuddasīti vā pannarasīti vā adhiṭṭhāmīti tikkhattuṃ vatvā ekena pavāretabbo. dvīsu pana therena aham āvuso āyasmantaṃ pavāremi diṭṭhena vā sutena vā parisankāya vā. vadatu mam āyasmā anukampam upādāya. passanto paṭikarissāmīti. tikkhattuṃ vatvā pavāretabbaṃ. navakenāpi tattheva vattabbaṃ sante tivacanaṃ viseso. tīsu vā catūsū vā pana suṇantu me āyasmantā ajja pavāraṇā pannarasī yadāyasmantānaṃ pattakallaṃ mayam aññam aññaṃ pavāreyyāmāti. ñattim ṭhapetvā therena aham āvuso āyasmante pavāremi diṭṭhena vā sutena vā parisankāya vā vadantu mam āyasmantā anukampam upādāya. passanto paṭikarissāmīti. tikkhattuṃ vatvā pavāretabbaṃ navakehi pi tatheva paṭipāṭiyā pavāretabbaṃ bhante tivacanaṃ viseso. catūhi adhikesu paṇa suṇātu me āvuso sangho. ajja pavāraṇā pannarasī yadi sanghassa pattakallaṃ sangho pavāreyyāti ñattim ṭhapetvā vuddhatarena samgham āvuso pavāremi diṭṭhena vā sutena vā parisankāya vā. vadatu maṃ sangho an° up° pass° paṭ° tik° v° p° atthatam bhante sanghassa kaṭhinaṃ dhammiko. kaṭhinatthāro. anumodāmīti tik° vatvā kathinam anumoditabbaṃ evaṃ pi nissāya gahetabbo. ekamsam uttarāsaṅgaṃ karitvā añjalikatvā ukkuṭikaṃ nisīditvā yāvataṭṭhāyakaṃ ācariyo me bhante hoti. āyasmantā nissāya vacchāmīti gahetabbo. nissayaṃ dentena pi lajjino yeva dātābbaṃ na bhikkhavehi alajjinam nissayo dātābbo. yo dadeyya āpatti dukkaṭassāti vuttaṃ. desanā suddhi nāma pātimokkhasamvarasīlaṃ taṃhi desanāya sujjanato desanāsuddhīti vuccati. samvarasuddhi nāma indriya-samvarasīlaṃ taṃhi na punevaṃ karissāmīti manasi 'dhiṭṭhāyasujjanato samvarasuddhīti vuccati. parisēṭṭhisuddhi nāma ājīva-parisuddhisīlaṃ taṃhi pariyesanāya suddhatā parisēṭṭhisuddhīti vuccati. paccavekkhaṇāsuddhi nāma paccayapari-bhogasannissitasīlaṃ taṃhi paṭisankhā yoniso cīvaraṃ paṭisevāmi ādinā nayena vuttapaccavekkhaṇena sujjanato paccavekkhaṇāsuddhīti vuccati.

NIBBĀNAPACCAYO HOTU.

MŪLASIKKHĀ NIṬṬHITĀ.

## COMPARATIVE TABLE.

### KHUDDASIKKHÂ.

- I = Pâr. 1-4, comp. Kankhâ Vitaranî ap. Minayeff Pâtimokkha, p. 67.  
II = Sangh. 1-9. C. II, 1, 4. M. IX, 4, 6.  
III = M. I, 30, 4. Pâc. 90. 91. 92. M. VIII, 13. 14. 16-18. 20. 21.  
28. 29. M. III, 5, 9.  
IV = M. VIII, 10, 1.  
V = Niss. 21. C. V, 9. 10.  
VI = ?  
VII = Pâc. 35-39.  
VIII = M. VI, 40, 2. 35, 6. Niss. 23. M. VI, 3-6.  
IX = ?  
X = M. VI, 23, 9-15. 31, 13. 14.  
XI = Niss. 19. 20. 30.  
XII = Pâc. 1-4. 75. 54. 77. 85. 67. 55. 63. 12. 1. 2. 64. 53.  
XIII = Pâc. 11. M. VI, 21. C. V, 5, 2.  
XIV = M. VI, 33, 4. III, 5, 6. VI, 40, 2.  
XV = M. I, 32. 25. 26. C. VIII, 7, 1. M. I, 25, 23. 24. 20.  
XVI = C. VIII, 10, 1-3.  
XVII = M. II, 15, 5-11. 16, 9. M. I, 25, 18.  
XVIII = C. V, 15.  
XIX = C. V, 1.  
XX = C. VI, 6, 5.  
XXI = ?  
XXII = M. V, 2.  
XXIII = Sekh. 38. C. V, 2, 4.  
XXIV = M. VI, 12. 13.  
XXV = M. V, 10, 4 = Brahmajâlasutta Grimblot Sept Suttas Pâli, p. 9.  
C. VI, 8. 14.  
XXVI = C. VI, 13, 2.  
XXVII = M. III, 6, 6 (?). IX, 3, 4.  
XXVIII = C. I, 13.  
XXIX = Sangh. 13.

- XXX = M. I, 25 ff. C. VIII, 1 ff.  
 XXXI = Pâc. 59 comp. Kankhâ Vit. ap. Min. 48.  
 XXXII = M. I, 35 ff.  
 XXXIII = C. V, 29.  
 XXXIV = Pâc. 10. 74. C. VI, 3.  
 XXXV = ?  
 XXXVI = ?  
 XXXVII = Pâc. 84. C. VI, 17.  
 XXXVIII = Sangh. 13.  
 XXXIX = M. III, 2. 3. 6-12.  
 XL = M. VIII, 27, 5. C. VI, 16, 2. Pâr. IV, 1, 3. C. VI, 15, 2.  
 XLI = C. V, 14, 3. VI, 2, 1. V, 2, 3. 19, 2, 31, 2. 34. 27, 1. 3. 4. 2.  
 Pâc. 2 (comp. Samanta Pâsâdikâ ap. Minayeff Pât. 83).  
 C. VI, 20. VIII, 9. V, 32, 2. 13, 2. V, 7. M. V, 10, 3.  
 I, 59, 1. C. X, 9. V, 33, 2. 27, 5. 29, 4. 32, 1. Schh  
 74. Bhikkhunipâc. 8. 9. M. I, 56. Pâc. 54. M. I, 25.  
 13. 26, 3. 27, 3. V, 12. VIII, 23, 1. C. V, 23, 1. 2. 27,  
 5. 30. VI, 2, 5. M. IV, 1, 12. VI, 27, 5. C. V, 23, 5.  
 M. VIII, 27. 31. C. V, 28, 1. 37. M. V, 10, 4.  
 XLII = Niss. 1-5. 11-19. 20-22. 23-30.  
 XLIII = M. II, 23. 22.  
 XLIV = M. II, 28, 3. 4. 34, 1-3. II, 16, 6. 26, 2. 22, 1. 26, 5. 9. 10.  
 II, 14. 27, 2.  
 XLV = M. IV, 16, 2. 5, 3. 1, 13. 14. 15, 2. 4. 7. 16, 2. 17, 6. 18.  
 XLVI = ?

## MÛLASIKKHÂ.

- I { = Pârivâra VI, 5.  
 { = Pârâjikâ 1-4.  
 II = Sangh. 1-4. 8. 9.  
 III = Niss. 1. 2. 4. 1. 18. 21-23. 25. 26. 30.  
 IV { = Pâc. 1-7. 2-11. 14. 15. 20. 25. 26. 35-41. 44. 51-56. 60. 61. 64.  
 { 67. 75-78.  
 V = M. VIII, 27. VI, 14, 4. 22, 4. C. V, 7. M. VI, 23, 9.  
 = M. VIII, 28. VI, 23. 31, 13. C. VIII, 10. M. II, 15, 5.  
 I, 25, 18. C. V, 15. V, 1, 3. VI, 20, 1. M. V, 2. C. V,  
 2, 4. M. V, 10, 4. C. VI, 8, 14. 13, 2. II, 1, 4. VI,  
 6, 5. V. 19, 2. 31, 2. 2. 6. 27, 1-4. Sekh. 74. Bhikkhuni-  
 pâc. 8. 9. C. VI, 20, 2. V, 29, 1. VIII, 9. V, 32, 2.  
 13, 2. M. V, 10, 3. I, 59, 1. C. X, 9. 1. 2. Pâc. 21.  
 C. V, 33, 2. 9, 3. 4. V, 10, 3. 33, 3. VIII, 5, 2. Sekh. 1.  
 VI { = M. I, 32.  
 { = Sangh. 4. Niss. 30. Pâc. 4. 7. Niss. 23. Pâc. 38 comp.  
 Kankhâ Vit. ap. Min. Pât. 91. C. V, 19, 2. V, 2, 6. 29, 1.